

## Dos persona deteni na aeropuerto pa intento di hiba droga Merca

ORANJESTAD -- Dia-  
mars merdia for di 2'or  
Duana Recherche y Polis  
ta detene na aeropuerto,  
dos cabayero local ken-  
denan tabata cla pa subi  
avion pa Merca.



*Pagina A3*

## “Calculacion di ‘inhaalmanoeuvre’ ta fout



ORANJESTAD -- Segun sr. Lindo Her-  
nandis, hurista di TOPA, e suma mester  
ta rond di 960 florin y no 850 florin. E  
ta un calculacion fout y ambtenaarnan  
ta keda falta por lo menos 110 florin.

*Pagina A7*

## ISA dunando espacio pa creatividad y talento!



ORANJESTAD -- International School of Aruba (ISA) a celebra nan apertura oficial  
di nan edicion mas nobo di e scol, e “World Languages & Art Complex” ubica na  
Wayaca.

*Pagina A4*

## Alemania ta sospecha cu Merca lo a scucha yamadanan di Merkel



Bonn, ALEMANIA- Autoridadnan di Alema-  
nia a bisa cu nan ta sospecha cu e agencianan  
di inteligencia di Merca a scucha yamadanan  
di celular di e canciyer Aleman Angela Merkel.

*Pagina A23*

## “De Barracudas Synchro Aruba” cu competencia di ASU AGE Group Figure



ORANJESTAD – Diadomingo pasa, 20 di  
october e club di landamento sincronisa “The  
Barracudas” tawatin su competencia anual  
como parti di e “ASU Olimpiada”.

*Pagina B2*

## Tottenham tin oportunidad di clasifica pa di dos rond



Tottenham, INGLATERA – Tottenham por ta e  
prome team cu ta clasifica di e di dos rond di e Liga  
Europeo awe si nan gana Moldavia Sheriff y Anzhi  
Makhachkala keda empata cu Tromso

*Pagina B7*



Awo cu 2 florin mas, bo por gana e **MEGA PLUS**

\* Afl. **1.000.000,-**

\* Afl. 800.000 + Afl. 200.000  
extra

Obtenibel na cualkier rebendedo di Lotto.

sorteo ta diabierna 25 di October





*Basta tension den formacion di Gabinete*

# Lista cu candidatonan pa minister ta cla pa wordo gescree



Formado Mike Eman

**ORANJESTAD** – For di dialuna anochi tin dialogonan ta tumando luga cu e ministernan demisionario di Gabinete Mike Eman I y e demas miembronan di parlamento, pa loke ta e formacion di un

posibel gabinete. Sinembargo, ningun nomber y funcion a wordo divulga, cu ta haci cu curiosidad den prensa ta bira mas tenso. Desde dialuna, prensa ta pendiente pa loke ta e formacion

y supuestamente ayera nochí e formacion mester a tuma luga pero no tin ningun indicacion cu esaki lo ta asina. Aunke cu formado Eman a laga sa cu e lo tuma su tempo te cu fin di luna pa asina yega na formacion di un gabinete nobo, ta reina un ambiente basta tenso den e partido. Mas largo e incertidumbre t'ey pa mira ken ta ocupa e funcionnan, mas grandi e tension ta bira.

Tin rumornan si cu Juan David Yrausquin lo bira minister di Financia. En todo caso e tabata t'ey presente durante e discurso cu Eman a hiba na prensa. Tambe ta wordo bisa cu Mike de Meza ta bandona su posicion como Minister di Financia pa asina ocupa esun di Husticia y Paul Croes lo ocupa su posicion como Minister di Enseñanza.

Otmar Oduber ta mantene su

carteranan (Turismo y Transporte) cu excepcion di Labor, cual cartera lo ta den man di Michelle Hooyboer-Winklaar. E posicion di Minister Plenipotenciario na Hulanda tabata den man di Edwin Abath, pero esaki a wordo pasa pa Arthur Dowers, kende a bay dilanti den voto e eleccion aki. Sinembargo, e no tabata mucho contento pa loke ta e funcion. Su campañadonan tampoco no tabata mucho contento cu esaki tampoco. Nan tabata ayera nochí tambe durante e reunion presente na bestuurskantor, pa asina duna nan minister e sosten. Dowers tabata e prome di a bandona e reunion dialuna anochi y no kier a duna ningun declaracion na prensa, sinembargo el a contesta algun pregunta cu a wordo lansa den su direccion, bisando

cu ainda no a yega na un decision si e lo bay ocupa e puesto na Hulanda.

Despues cu lider di Fraccion, Sr. Rene Herde a baha y anuncia cu ta trahando riba e programa pa loke ta e funcionnan nobo, el a laga sa cu despues cu trece esaki pa gobernador, esunnan cu lo ocupa e funcionnan di Minister lo wordo anuncia oficialmente.

Formado Eman a laga sa, despues cu e reunion a caba, cu un lista di e candidatonan pa minister mester wordo manda pa tres instancia pa screen, pa despues finalmente e pasa pa gobernador. E ora por bisa cu esaki lo wordo finalisa. Esaki ta planea pa sosode dia 30 di october. E lista a bay screen, pero Eman no kier bisa kendenan ta e candidatonan. E screen tin un duracion di mas of menos 8 dia. □

*Asha Dongen di WEB*

## “E bus electrico no ta trece mas gasto di coriente”



**ORANJESTAD** – Recientemente a introduci e bus electrico cu ta wordo maneha pa Arubus y ayera mainta el a haci su prome cori riba e ruta di San Nicolas pa e area di hotel. Manera cu e nomber mes ta bisa, e bus aki ta uno cu ta core riba coriente, caminda e baterianan ta ubica riba e dos tirenan dilanti. Fuera di esey e tin un sistema di WIFI, caminda e profesional of e alumno di scol, por surf riba internet den tur comodidad di e bus, cu tambe a wordo adapta completamente pa esnan cu ta limita fisicamente.

**HEAVY FUEL OIL**  
A combersa cu sra. Asha Dongen

gen, kende ta vocero di WEB Aruba NV, kende a relata cu e bus no ta trece mas gasto di coriente. Tanto e bus electrico como e auto electrico ta den cuadro di e vision di WEB pa baha e dependencia di e combustibel, esta di e Heavy Fuel Oil. E Heavy Fuel Oil su prijs ta subi so e ta subi. E no ta baha. Den futuro e lo keda subi y pa WEB hisa e eficiencia, esta uza menos Heavy Fuel Oil posibel, ta busca tur sorto di manera pa ta menos dependiente di dje.

### MEDIO AMBIENTE

Dongen a sigui splica cu esey ta bay man den man cu e esfuerso pa haci e produccion



mas eficiente pero di otro banda menos dañino tambe pa medio ambiente. Semper WEB a keda bisa si e mester ta economicamente factibel y e mester limita futuro aumento di tarifa a consecuencia di e aumento di e combustibel.

### STABILISACION DI CORIENTE

E proyecto di bus ta bon pa WEB pa motibo cu e ta stabilisa WEB su suministro di coriente y asina cu e suministro ta stabiel e ta hisa e eficiencia tambe den generacion di e coriente. Locual por bisa den e realidad cu a sosode, ta cu WEB ta charge e bus den oranan di anochi na WEB. Ora e produccion di energia ta mas halto cu e demanda di e energia. E ora por mira cu bo por stabilisa e suministro.

Esey ta bay via un parada pa charge caminda den oranan di anochi e bus ta yega y ta wordo carga pa den dia e por core.

### REEMPLAZO DI COMBUSTIBEL

Basicamente e ora ey e ta un reemplazo di combustibel cu

lo a uza of diesel pa e bus, Dongen a splica.

Di un banda e prijs compaña cu e diesel ta mas economico. Esey ta bay test awor aki y tambe e por ta menos dañino pa medio ambiente dor cu tin menos emision di gas venenoso, Dongen a termina. □





*Despues cu siman a habri cu incertidumbre*

# Doño di companianan di deporte acuatico por baha nan ekipo na Fisherman's Hut

**PALM BEACH** -- Despues cu e siman aki a habri cu companianan di deporte acuatico a wordo informa cu nan no por baha nan boto entre Marriot Hotel y Ritz Carlton Hotel, nan a logra yega na un solucion temporal ayera mainta, unda e personal di e companianan di deporte acuatico por baha nan ekipo na Fisherman's Hut, segun vocero di e companianan di deporte acuatico, sr. Robert Leeuwe.

## PISCADONAN

Esaki lo wordo haci di un manera pa no stroba esunnan cu ta eynan caba, cu ta esunnan cu tin negoshi di 'Kite y Windsurf' door di haci esaki den e area cu ta un tiki mas hundo y pega cu Ritz Carlton. E area aki berdad ta wordo uza door di un par di piscado,

pero gobierno y departamentonan concerni a sinta papia cu nan y te cu awor aki esaki no ta muestra di tin niun problema of dificultad.

Tin 2 pa 3 lugha memey di e hutnan existente unda e botonan por wordo baha. "Mi a compronde di gobierno cu esey tambe ta forma un parti di e plan di desaroyo cu e hut tabata den plan pa wordo reconstrui na un otro sitio mas patras y leu for di lama pasobra ora lama subi nan no tin mucho funcion pasobra lama ta hasta drenta den nan y ta plug e entrada di e porta cu santo", Leeuwe a bisa.

## TRAILERNAN

"Pa loke ta trata e parti di e trailernan, gobierno, DIP (Directie Infrastructuur en

Planning) y DOW, a puntra si ta posibel y principalmente den futuro pa nos staciona e trailernan e otro banda di caminda, cu ta eigenlijk un saliña y na momento cu awa yobe, e lo bay ta yen di awa kieren mester bin cierto cambianan pa un lugha adecua unda e trailernan por para otro banda di caminda", Leeuwe a bisa BON DIA ARUBA.

## EXPERIENCIA

Mientras tanto, tin un lugha di parkeer eybanda cu por hazi uzo di dje te na momento cu bin un solucion definitivo. Doñonan di companianan di deporte acuatico, kier mira un solucion permanente.

"Basa riba nos experiencia di mas cu 20 aña na lama, e lugha mas adecua cu nos por traha cun'e na e momentonan aki,

aunke e mester di poco mehoracion, ta Fisherman's Hut. No tin nada concreto pero esey ta nos meta, esey ta locual nos kier y nos no ta bay stop e biaha aki, prome cu nos haya un lugha adecua pa tur e uzadonan di boto, incluyendo esunnan cu tin boto priva", Leeuwe a subraya.

Segun Leeuwe, nan a haya un invitacion pa atende un di dos reunion awe cu DIP pa asina nan keda purba yega na otro te na momento cu tin palabracionnan concreto, preto riba blanco pa nan futuro y no solamente pa un par di luna pa bolbe bek den mesun situacion cu nan ta awor aki.

## MANTENCION

Pa loke ta trata mantencion di e area definitivo Leeuwe ta

kere cu lo forma parti di nan responsabilidad pa mantene e area cu ta forma parti di bopan di cada dia. Di otro banda nan tambe mester cooperacion di gobierno ya cu nan ta haya e lugha aki den un tempo asina inespera y actualmente e no ta 100% adecua.

"Manera a pasa den pasado na Marriott, nos a pone nos ekiponan poco poco a cuminsa traha un canal y ta algo cu nos ta purbando caba cu e botonan mas chikito pero nos mester di un tiki mas ayudo pa prepara e parti di beach pa e lugha di baha boto y un solo sitio pa e botonan mas grandi, cu ta e botonan di parasailing pa haya un tiki mas profundidad cu por ta un dia di trabou, di un chubato lo por soluciona esey", Leeuwe a termina bisando. □

# Dos persona deteni na aeropuerto pa intento di hiba droga Merca

**ORANJESTAD** -- Diamars merdia for di 2'or Duana Recherche y Polis ta detene na aeropuerto, dos cabayero local.

Un di nan tin mas o menos 30 aña y e otro ta un poco mas hoben. Aparentemente nan lo tabata tin droga den nan poder cla pa aborda avion pa bay Merca.

Despues di basta rato recherche di droga ta yega na aeropuerto y a transporta ambos sospechoso pa Warda di polis pa interrogacion y mas investigacion.

E cantidad di droga y e tipo di droga, no ta conoci. E caso aki ta den man di recherche di droga pa mas investigacion. □





**BON DIA** *Aruba***Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Sub-Gerente General**

Jaime Mata

**Sub-Gerente Editorial**

Dionne Fradl-Jie Sam Foek

**Redaccion**

Jenisse Thiel  
Lia de Cuba  
Margarita Els  
Maritza Tromp-Lacle

**Redactor Deportivo**

Nathalie Winterdaal

**Colaborador**

Oscar Vidal  
Seever Krozendijk

**International**

Mariano Heyden

**Fotografo**

Dino Tromp

**Ehecutivo di Benta**

Marijke Croes-Luidens  
Mark Gomes

**Diseño Grafico**

Michael Arendsz

**Aviso y Arte**

Sandra Loefstop  
(Hefe di reservacion)  
Gladis Palomino Silva  
Lando Rafael  
Robert Cortez

**Administracion y Distribucion**

Mariette Engelhart  
Martha Arteta de Ariza  
Jenny Lobbrecht - Kelly

**Colleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Yair Gambin  
Francis Dirks  
Martin Boekhoudt

**Agenda di Noticia**

Associated Press  
New York Press

**Afilacion**

Sociedad Interamerica  
di Prensa (SIP)

**DIRECCION**

Weststraat #22  
Tel: 582-7800 / Fax: 582-7044  
email: [noticia@bondia.com](mailto:noticia@bondia.com)  
**BON DIA ARUBA**

Ta un Corant redacta y imprimi na  
Aruba y ta obtenibel di Dialuna te  
cu Diasabra. Ningun contenido  
por wordo reproduci sin permiso  
di Editor. [www.bondia.com](http://www.bondia.com)

# ISA a celebra apertura oficial di su compleho di idioma y arte mundial na Wayaca



sica di guitarra en bibo como musica di fondo, brinda a Ernesto Ferro.

Sr. Roger Hove, kende ta bibando na New Jersey, tin mas cu 30 aña di experiencia den educacion. E tin experiencia como docente, cabesante, business manager, tabata hopi complaci y orguyoso di ta na Aruba.

Sr. Hove a fungi na varios scol rond mundo, manera Libia, Malaysia, Noruega y Dubai. Na e momento ey el a enfoca riba Aruba y dos scol similar na Cayman Island y na China.

“Extraordinario” tabata e palabra cu Sr. Hove a menciona ora cu el a papia di International School na Aruba. For di un campus maraviyoso pa e docentenan cariñoso, kendenan ta duna les cu curason y ansioso pa siña nan studiantenan, e comunidad aki realmente a bin hunto y ta sinti, ta musta nan envolvimento.



**ORANJESTAD** – Hunto cu Sarah Putnam, cabesante di International School, Prome Minister Mike Eman, Sr. Roger Hove, presidente di hunta directiva di ISA y presidente

di Servicionan di Scol Internacional (ISS), Internacional School of Aruba, y hopi di su huespednan invita, a presencia cortamento di cinta, oficializando asina aki apertura

di e adicon di mas nobo di e scol: E completo di Idioma y Arte Mundial. Champaña y hopi snacks a wordo ofreci pa un staf bon bisti, pa asina celebra e gran evento aki cu mu-

Trabao duro y dedicacion di tanto docente y gobierno di Aruba, den e orden pa duna nos yiunan e miho educacion posibel, haciendo esaki un miho mundo. □



Asha Dongen di WEB

## WEB lo bay test eficiencia di auto 100% electronico



**ORANJESTAD** – Fuera cu tin e bus electronico cu ta wordo staciona na WEB durante oranan di anochi pa carga coriente, WEB a adkiri un auto 100% electrico como un proyecto piloto tambe.

### EFICIENCIA

Locual cu WEB ta bay test ta e eficiencia na e auto, mirando cu na Aruba tin un clima diferente. Den un auto normal ta uza airco constantemente, pero tambe den e trafico di Aruba ta core distancia relativamente cortico.

Ta para den fila, cada biaha ta brake, ta core un biaha mas y ta brake atrobe. Cu e proyecto di e auto 100% electrico, WEB kier haci un evaluacion.

### COLECCION DI DATA

WEB kier colecta data riba e auto di coriente. Cu e informacion aki e ora ey lo por evalua si den futuro lo ta responsabel pa por expande full e flota di vehiculo na WEB pa autonan di electricidad. Por bisa cu e ta den cuadro di baha full e dependencia di combustibel pero tambe pa como compania di produccion di energia, duna e bon ehemp-

el den core na un manera mas sostenibel.

### CORIENTE

Locual e ta basicamente mescos cu e bus, e ta e coriente cu WEB ta produci normalmente caba.

No tin nada extra eyan, Dongen a splica. Locual cu WEB ta haci, ta pone un charging station. Mescos cu por bisa cu ta un pomp di gasolin, solamente cu ta un plug cu ta wordo hinca den e auto of bus.

### ENERGIA SOSTENIBEL

Den full e vision y strategia di compania pa futuro, tur e esfuersonan di un banda pa hisa e eficiencia pa ofrece of uza energia sostenibel tur mester ta economicamente factibel y nan mester limita e futuro aumento di tarifa, segun Dongen.

Sigur lo bay haci e maximo esfuerso pa baha e tarifanan pero na mes momento ta wak cu e Heavy Fuel Oil ta subi hopi mas tanto biaha, casi 300% mas halto cu lo por baha.

E ta un realidad cu e lo keda subi, Dongen a bisa finalmente. □

## Persona cu blacklist na Texaco Tanki Leendert ta keda deteni, despues di tabata molestia e trahadornan



Patruxa di Noord ta yega na e sitio, e biaha aki e persona ta bira agresivo y polis mesora ta detene y pone riba vloer pa por bisti'e e boeinan. Transportwagen di polis ta transporta e cabayero aki pa Warda di Shaba. □



**ORANJESTAD** - Diaranson algo pasa di 3'or di atardi, Patruxa di Noord ta wordo manda pa di dos biaha na Texaco Tanki Leendert. Un persona cu tin blacklist pa drenta den e tienda di Texaco Tanki Leendert ta bolbe drenta despues cu Polis a hala su atencion, segun e trahadornan e ta molestia y pa e motibo aki nan un biaha mas a pidi pa presencia di polis.





**final days !!**

**CRAZY  
CLEARANCE !!**



**NOW**  
all sale items\*

61.2%





**NOW**  
all sale items\*

50.7%

\*Discount from original price

wulfesen & wulfesen

SINCE 1963

Caya Betico Croes 52



*No mester kibra tradicion*

# Hopi Arubiano kier pa fiesta di Sinterklaas sigui



**ORANJESTAD** – Aunke cu na varios parti rond mundo y hasta na Nacionnan Uni, a boga pa stop cu e fiesta di Sinterklaas, aki na Aruba tin hopi hende ta contra di esaki y ta desea pa e tradicion sigui. Sinterklaas ta un fiesta cu ta tumando luga pa hopi aña y segun hopi, ta hopi dificil pa kibra un tradicion cu ta haci esunnan mas chikito contento cu un regalo ora nan sa cu nan a haci bon mucha.

**FACEBOOK**  
BON DIA ARUBA a sigui

desaroyonan rond di nos isla y a constata cu riba facebook tambe criticanan ta basta pisa pa loke ta e cancelacion di e celebracion di Sinterklaas, pero hopi hende ta den contra di esaki. Tin un pagina di facebook cu ta ilustra basta critica riba e celebracion. Riba e pagina aki ta wordo muestra cu tin cu libera e Zwarte Piet for di su esclavitud y cu ta contra di derechonan humano. E ta pinta e Zwarte Piet como un stereotipo di un “neger bobo”, cual sigura-



mente ta un insulto.

**HENDE DI TUR RAZA**  
Den ordo pa sobrevivi y mengua, hende di tur rasa a celebra e fiesta aki. Prome cu di dos guera mundial, ainda hende tabata tin empatia pa e Holocaust y e fiesta aki tabata wordo celebra cu Witte Piet. Tin hasta algun luga aki na Aruba mes, a dicidi di cambia e rol di celebra e fiesta cu Pietnan Blanco y un Sinterklaas di color.

**COMENTARIONAN**  
Tin varios comentario cu aunke tin hende cu no sa celebra e fiesta di Sinterklaas pa cualkier rason cu ta, tin nan punto

di bista pakico no mester stop cu esaki. E celebracion por sigui cu e Pietnan, pero di diferente color, por ehempel esunnan scur (preferibel cu hendenan di color scur) y esunnan di color cla (e Hulandesnan) y otro colornan (geel pa Chines, bruin pa e Hindunan y asina por sigui). Loke mester laga sa bon cla cu e “Piet” ta pa tur hende y no mester conecta esaki na ningun esclavitud. E otro punto cu a bin dilanti ta cu no mester kere cu dor di celebra esaki, ta inductura muchanan hoben den un escala social caminda hende “blanco” tin e poder y autoridad riba hende “preto”.

**CATIBO DEN MENTE**  
Tin hende cu ainda ta catibo den nan mente. Loke varios ciudadano ta opina cu mester purba di stop di cambia historia. Na luga di haci un escogencia pa nan mes, pa loke hopi ta percibi como racismo, por ta no ta asina pa otro. Tin cu compronde cu den e socie-

dad cu nos ta bibando ta uno cu ta multiracial, cu nos ta bin for di varios rasa y credo, pero a uni den uno solo como Arubiano y ta celebra dia 5 di december como dia di San Nicolas. Mayoria di nos cu a lanta na Aruba, hopi biaha a lanta cu nos bieunan racista (algun di nan). Pero por lo general hopi a scoge di mira e fiesta di Sinterklaas como un fiesta di mucha y no como un hecho racista. Importante ta, ta e escogencia di ta dispuesto pa laga bay e estado di mente di victima bay. Wardando pa otro salida nos y haci nos sinti e balor di e color di nos cuero y e herencia, solamente ta laga nos keda pega den tempo y esey ta un poder cu no mester wordo pasa pa otro.

Te cu asina leu cu ta conoci, e fiesta no a keda cancela. BON DIA ARUBA a purba di dreña den contacto cu e organisadonan di e yegada di Sinterklaas, pero lamentablemente nan no tabata disponibel pa duna comentario. □





Segun sr. Lindo Hernandis, hurista di TOPA

## “Calculacion di ‘inhaalmanoeuvre’ ta fout y ambtenaarnan falta por lo menos 110 florin”

**ORANJESTAD** – Segun sr. Rene Bernabela di sindicato TOPA, e empleadonan publico ta bou di e creencia cu ‘inhaalmanoeuvre’ lo mester wordo paga na luna di november binidero. Sindicato TOPA ta trece nan pensamiento como sindicato cu a participa na e negociacion di indexering y ‘inhaalmanoeuvre’ na aña 2012. Na aña 2012 hunto cu diferente otro sindicato a sinta pa nochinan largo cu gobierno na INSAM San Nicolas pa negosha riba indexering.

### INHAALMANOEUVRE

Segun sr. Lindo Hernandis, hurista di TOPA, durante e negociacion di indexering aña pasa e parti di ‘inhaalmanoeuvre’ tambe a bin riba mesa unda a sindicatonan a yega na un suma di 850 florin. For di e suma aki a cumbini cu gobierno, e tempo ey representa pa minister Mike de Meza, cu 150 florin ta bay pa aumenta e ‘voorjaars premie’ y e otro 150 florin ta bay pa e ‘najaars premie’ cu ta wordo paga november binidero. For di e 850 florin a kita 300 florin y a sobra 550 florin cu a wordo palabra cu a keda palabra cu minister cu esaki lo wordo paga na augustus 2013. “Despues gobierno a bin bek riba e negociacion ey y a bisa

cu e 550 florin ey nan lo bay pasa esaki pa 2014 pa motibo cu nan ta bay wak e ora na 2014 kico tin. Si tin inflacion nan ta paga e 550 florin pero si tin deflacion, gobierno lo no paga e 550 florin”, segun Hernandis.

Sindicato TOPA a bisa gobierno pa miho nan paga e 550 florin na augustus y despues lo mira kico ta bay pasa na 2014. Pero gobierno, hunto cu e otro sindicatonan a para duro bisando, no y a bay di acuerdo cu gobierno pa no paga e 550 florin na augustus.

### CALCULACION FOUT

Pa loke ta e ‘inhaalmanoeuvre’, esaki a wordo calcula a base di un schaal 7 di dienstjaar 9 como como un promedio pa for di eynan coy un cantidad di porciento bes 12 luna, pa asina yega na e 850 florin. “Mi persona hunto cu Rene Benabela y Freddy Daña a puntra con a yega na e promedio di 7.9. Nan a bisa dor di conta tur e ‘schaal’ nan hunto y dividi nan dor di 2 ta yega na 7.9. E ora ami a puntra nan pero cuanto ‘schaal’ tin? Nan a bisa mi 16 ‘schaal’. Y mi a bisa nan cu e no ta cuadra, e ‘schaal’ den gobierno, ta 19 tin y tur hende ta wak mi pa puntra di kico mi ta papiando. Y si tuma e ‘gemid-

deld schaal’ di 19, e ta yega na ‘schaal’ 9, dienstjaar 7, cual ta un suma cu mester ta rond di 960 florin y no 850 florin. E ta un calculacion fout y ambtenaarnan ta keda falta por lo menos 110 florin”, Hernandis a bisa. b Tur empleadonan publico cu ta puntra tocante e ‘inhaalmanoeuvre’, gobierno por dicidi mañan cu e ta pag’e november of december pero e no ta regla den e protocol.

### INDEXERING

pa loke ta trata e indexering tambe tabatin in discrepancia pa motibo cual TOPA tampoco a firma e protocol di 21 di december 2012. Na 2008 empleadonan publico a subi caya pa 6 of pa 7 siman pa 105 florin.

Na aña 2011, gobierno a bolbe paga indexering di 105 florin y na 2012 gobierno a paga 140 florin na indexering. Pa 2013 gobierno a bisa cu situacion financiero ta malo y ta 85 florin so nan por paga. TOPA ta opina cu si na 2008, por a paga 105, na 2011 por a paga 105 y na 2012 por a paga 140 florin, mi ta kere cu por bay bek na e suma di 2008 di 105 florin. Segun Hernandis otro sindicatonan a bay di acuerdo y hopi sindicalista ta papia hopi pafu pero den e reunion nan mes nan ta keda keto. □

## ATIA su Corporate Gala Dinner

### Cu orador invita e aña aki ta dr. Steven Martina di Corsou

**ORANJESTAD** -- Faltando apenas algun dia pa ATIA su Corporate Gala Dinner. Diabierna dia 1 di November 2013 na Aruba Marriott Resort, e evento prestigioso di ATIA cu e titulo “Surpassing our economic expectations” lo tuma lugar. E orador invita e aña aki ta dr. Steven Martina di Corsou, actualmente Presidente y CEO di Guardian Group Fatum. E preparacionnan ta bayendo ful swing y e team di ATIA ta trahando duro riba e ultimo detayenan.

### Oportunidad pa Network

E anochi aki ta priminti di bira uno hopi informativo y den un bon ambiente. E anochi lo wordo clausura cu Robert y su Solo Banda Show cu semper sa di pone bon ambiente. Tambe lo tin un lounge area apart di e ballroom, cu ta brinda bon oportunidadnan pa networking y cera conoci

cu otro comerciantenan.

### Topico

“Surpassing our economic expectations” sigur ta un di e metanan principal di cualkier comerciante, specialmente den e temponan aki, unda cu e competencia ta grandi riba un isla chikito. E evento special aki, combina cu baile, cena y entretenimento ta pa sigui trece e comunidad comercial di Aruba hunto. Orador dr. Steven Martina Dr. Martina no ta un persona desconoci den e mundo di economia den nos region. Den e periodo di januari pa juni 2013, dr. Martina a fungi como Minister di Asuntonan Economico y como Vice Prome Minister di Corsou. Den pasado dr. Martina tabata Presidente y CEO di Fatum y Presidente y CEO di Aqualecra. Dr. Martina ta un persona cualifica, cu un Phd den Ap-

plied Economics, cu amplio experiencia y conocimiento riba e tereno di tecnologia y economia. Un persona cu ta conoci pa a hasi cambionan grandi, introduci innovacion y desaroya diferente proyecto significante.

### Info ticket

Tickets ta na valor di AWG 175,- y ta obtenibel na oficina di ATIA. Pa hasi reservacion of pa compra di ticket, por yama na 582-7593 of por email Aura na [aura@atiaruba.org](mailto:aura@atiaruba.org). Tambe por pasa libremente na ATIA durante oranan di oficina.

### Sponsor

Por ultimo, e evento aki ta wordo patrocina pa ALBO Aruba & AWM (Arubaanse Wegen Maatschappij), AS-TEC, CHS, Guardian Group, Romar Trading, Setar y e patrocinador principal Aruba Bank. □

Hyatt Casino ta regala Free Play  
*Trece un amigo y disfruta mas*

*Tur Dia*  
Bring-a-Friend Free Play.

Trece un amigo pa asina hunga gratis. Como miembro existente ricibi \$15 di Free Play y bo amigo lo ricibi \$10 di Free Play ora e registra.  
For di 10:00 AM te cu 4:00 AM

**\$1,175.79**

**HYATT REGENCY RESORT**

Pa mas informacion relaciona cu e promocion aki, yama nos Players Advantage Club na 586-1234 ext. 4583.



# Camara di Comercio tin eleccion pa directiva

**ORANJESTAD** -- Tur aña Camara di Comercio y industria (KVK) ta tene eleccion parcial di directiva, segun un schedule fiho. Cada aña un parti di e directiva di KVK ta baha, segun un sistema rotativo unda cada bes tres di e nueve puestonan ta bira habri. Esaki ta duna oportunidad pa miembro nobo drenta pa contribui na trabao di KVK, pero di otro banda mantenendo continuidad den directiva. Riba 31 di december 2013 e siguiente miembronan ta na turno pa baha: Mohamed J. (Jamal) Mahawat Khan y Omar F. Tromp pa 'Kleinbedrijf' y Donicio R. (Ricardo) Wever pa 'Grootbedrijf'.

Conforme e stipulacionnan den Ordenanza di Eleccion di KVK ta permisibel pa miembro cu ta baha pone nan mes reeligibel. Pa eherce su tareanan di un manera efectivo y fructifero KVK mester di un ekipo cu vision, bon preparacion y conocimiento di economia y sociedad y cu ta

representa e diferente sectornan economico.

## TAREA DI KVK

Pa haya sa kico ta spera di un miembro di directiva, nos ta presenta e tareanan di KVK: esaki ta un entidad huridico "sui generis"- conforme e Ordenanza di KVK - cu e tarea general pa representa interes di comercio y industria di Aruba. KVK tin como tarea pa duna apoyo y informacion na e empresario, tanto esun principiante como esun estableci caba. Den practica esaki ta encera actua como consehero oficial di Ministro di Asunto Economico pa loke ta trata asuntonan socio economico y financiero, na interes di comercio y industria en general. Alabes, KVK ta conseha e mandatario aki encuanto otorgamento di permiso di establecimiento di negoshi.

## INFORMACION

Tambe KVK ta brinda informacion economico/comercial tanto na comunidad di Aruba como na otro interesado den

exterior. KVK ta organisa actividad manera charla, seminario, mision comercial y exposicion. Tur esaki pa contribui na un desaroyo economico sostenibel pa Aruba. Fuera di esey, KVK tin cu cumpli cu e funcionnan y trabaonan asigna pa ley.

Ehemplo di esaki ta maneho di e registro oficial di negoshi y fundacion di Aruba y e custodia di e cuentanan anual di NV, AW y VBA cu tin obligacion legal pa deposita esakinan na KVK. E posicion como miembro di directiva di KVK ta encera un responsabilidad boluntario, cu a cambio ta duna un oportunidad di ta envolvi y di siña mas di cerca con nos economia ta desaroya y di e manera aki yuda KVK cumpli cu tur su tareanan conforme e necesidadnan y interes di e mundo empresarial.

Actualmente interesadonan por pasa na KVK pa busca e formulario di inscripcion pa postula como candidato. Den e periodo di 1 te cu 14



di november 2013 por entrega esaki na KVK cu por lo menos 15 firma di votado cu ta sostene e candidato. E votadonan aki ta esunnan cu tin puesto di responsabilidad den empresa, cual ta registra riba e listanan di 'kleinbedrijf' y 'grootbed-

rif' cu KVK a publica y cu ta disponibel tambe riba nos website: [www.arubachamber.com](http://www.arubachamber.com) Pa mas informacion tocante eleccion pa directiva di KVK, por comunica tambe cu Secretariado na tel. 582-1120, ext. 29141. □

*Como pilarnan primordial den brinda sosten na e sector financiero*

## Delegacion di 'Aruba Bankers Association' tambe a reuni cu formado



**ORANJESTAD** -- Un delegacion di Aruba Bankers Association 'ABA' tambe a reuni cu formado Eman y su team ultimo. Presidente di 'ABA' sra. Marcelline Richardson a bisa na su salida di cu e reunion a bay den bon ambiente. "Nos ta orguyoso di a wordo invita, sigur pasobra nos ta kere di ta e pilarnan primordial den brinda sosten na e sector financiero. Nos kier duna nos contribucion na formado den su tarea cu el a haya di gobernador".

## EDUCACION

Richardson a bisa cu e discusionnan a bay den forma hopi constructivo na unda nan a trece nan punto y proposicionnan dilanti. Loke ta importante ta cu mester wak kico ta loke e comunidad kier. Educacion ta un punto cu ABA kier enfoca riba dje.

## NEGOSHINAN CHIKITO

Aunke cu micro financiamiento no tabata un topico cu a wordo discuti, ABA ta dispuesto pa sigui yuda negoshinan chikito cu kier establece nan mes cu financiamiento. Sra. Marcelline Richardson a bisa cu nan proposicionnan a wordo bon ricibi. "Ta bon di por sinta cu gobierno den un discusion habri y duna bo punto di bista den un ambiente relaha. Importante ta awor kico ta bay wordo haci cu e informacion aki, tanto di parti di gobierno como di nos parti". Richardson a subraya cu ABA kier sigui duna su sosten na gobierno mas tanto posibel. "Esaki ta djis un comienso. Nos lo topa bek asina cu gobierno ta forma cu plan y accionnan mas concreto. Tur esaki pa un miho y mas fuerte Aruba". □



[www.ritzcarlton.com/careers](http://www.ritzcarlton.com/careers)

### Open Positions

|                                   |                           |
|-----------------------------------|---------------------------|
| Casino Cage Manager               | Loss Prevention Officer   |
| Casino Operations Manager         | Recreation Attendant      |
| Casino Surveillance Supervisor    | F&B Server (Waiter)       |
| Casino Guest Relations Attendant  | F&B Runner                |
| Casino Slot Attendant             | Banquet Server            |
| Casino Pit Clerk                  | Banquet Houseperson       |
| Casino Dealer (Experienced/Craps) | Spa Therapist (Part-Time) |
| Cook                              | Spa Concierge             |
| Butcher                           |                           |

Address: Schotlandstraat 54  
Telephone: 5834960  
[www.ritzcarlton.com/careers](http://www.ritzcarlton.com/careers)  
Open from Monday thru Friday from 9AM to 5PM

*Careers Redefined.*  
LIVE • LEARN • GROW

The Ritz-Carlton is an equal opportunity employer committed to hiring & diverse workforce.

**THE RITZ-CARLTON®**



*E situacion ta mas alarmante cu hopi ta kere*

## Tin 50 caso di inmoralidad y abuso pendiente investigacion

**ORANJESTAD** – Bon Dia Aruba diferente biaha a publica encunto e dificil cu ta pa investiga casonan di inmoralidad.

Recientemente durante tratamiento di un caso di inmoralidad, un Fiscal a splica Hues cu e ta encarga cu casonan di inmoralidad y abuso sexual. E Fiscal kier a duna Hues un imagen di con e departamentu ta funciona y asina splica pakico e casonan ta bin pro forma.

### 50 CASO PENDIENTE DI INVESTIGACION

Fiscal a splica Hues cu actualmente tin 50 caso di inmoralidad pendiente y tin solamente 6 agente cu ta encarga cu investigacion di e casonan. Esey ta trece cun'e cu e investigacionnan ta tuma nan tempo y consecuentemente e trahamento di proces-verbaal ta tarda.

Investigacionnan di casonan di inmoralidad y abuso sexual ta hopi mas dificil cu hopi ta kere. E agentenan ta haya nan mes confronta cu e situacion cu tin e denuncia contra e declaracion di e sospechoso. Mester busca pruebanan adicional pa asina por presenta un caso penal den Corte. E



agentenan mester concentra den haya pruebanan adicional. Hopi biaha tin e investigacion di dokter cu por indica cu tabatin penetracion pero esey so no ta suficiente. E agentenan mester busca otro indicacionnan cu por yuda como prueba. A base di ley penal, no por bay tras di e declaracion di e familiar, amistad, di e victima. E motibo

tras di esaki ta cu hopi biaha e familiar y amistad a haya sa di e caso door di e victima cu a conta nan. Den Corte no por uza e personanan aki como testigo pasobra e unico cos cu nan por bisa ta cu e victima a conta nan pero nan mes no a presencia nada.

Un otro posibilidad ta, tuma muestranan di e sospechoso y manda esaki Hulanda na e

Instituto Forence (NFI) pa laga haci investigacionnan. Tin diferente caso di abuso sexual, caminda a haci uzo di e investigacion aki y e investigacionnan aki ta duro basta. Fiscal a splica Hues cu segun e maneho cu tin actualmente, un biaha pa luna por manda muestranan pa investigacion na NFI y e investigacionnan aki por dura por lo menos 3

luna prome cu haya un rapport.

### SITUACION ALARMANTE

Cu e informacionnan aki, Fiscal kier a mostra Hues e inmenso trabou cu 6 agente ta haciendo pa resolve e cantidad di casonan di inmoralidad y abuso sexual.

Loke ta alarmante ta e cantidad di casonan cu Fiscal a menciona. Si tur e casonan cu Fiscal ta referi na dje esta 50, a sosode e aña aki, esey ta nifica cu por lo menos tin 4 caso pa luna. Mester tene na cuenta cu ainda aña no a caba. E ta un cantidad alarmante cu ta motibo di preocupacion. Mas ainda cu si tene na cuenta cu mayoria di e casonan di inmoralidad y abuso sexual, ta sosode den circulo familiar of amistad. Mirando e seriedad di e casonan, lo ta bon pa mando policial hunto cu minister di Husticia, sinta na mes y planea un strategia pa atende cu e casonan aki. Ta obvio cu lo mester di mas agente pa yuda cu e investigacionnan. Pero no por ta ken cu ta. Mester busca agentenan cu realmente ta dedica na e tipo di trabou aki cu ta sumamente delicado. □

## No suficiente investigacion di laboratorio ta pone cu mester a pospone caso di droga



**ORANJESTAD** – E caso penal contra e sospechoso M.K., acusa cu dia 7 Februari

2013 tabata den posesion di cocaína, no a sigui. Ta asina cu e sospechoso M.K., no a

presenta den Corte mientras cu su abogado mr. Illes si. Hues a puntra e abogado pak-

ico e sospechoso no a presenta. E abogado a splica Hues cu desde cu K. a wordo laga liber, e no a tende mas di dje. Hopi biaha abogadonan ta busca contacto cu nan cliente, pero pa un motibo of otro no ta localisa e sospechoso.

### INVESTIGACION DUDOSO

Fiscal, despues di a presenta e acusacion contra K., a pidi pa pospone e caso pa tempo indefini. Fiscal a splica Hues cu durante cu e tabata studia e caso el a bin constata cu den e documentonan falta informacionnan importante.

Fiscal a bisa cu ta durante un razzia na Hotel Roy's, relaciona cu e caso di asalto arma na RBC Noord, a detene K. kende a wordo haya cu droga. E razzia tabata mas dirigi pa gara e sospechosonan pero a dal den K. tambe.

Fiscal a sigui bisa cu despues di e razzia, Polis a bay haci investigacion na cas di e sospechoso K., pero Fiscal ta constata cu no tin e autorizacion di Hues Comisario den e

documentonan pa por a haci e investigacion aki.

### FALTA INVESTIGACION DI LABORATORIO

Ademas di esey, Fiscal a muestra cu e sospechoso a wordo gara cu 275 gram consistiendo di 4 sako. Fiscal a bisa Hues cu studiando e documentonan el a ripara cu laboratorio no a haci suficiente investigacion. No tin indicacion cla cuanto e cantidad di droga confisca realmente ta. Fiscal ta haya cu mester tin mas claridad. El a muestra cu di otro banda e sospechoso mes a declara cu el a cumpra 100 gram di cocaína. Fiscal ta di opinion cu si bay tras di declaracion di K., e ora ey di acuerdo cu e maneho di Ministerio Publico, lo mester exige 6 luna di prizon. Sinembargo Fiscal ta haya cu ta importante pa e sospechoso mes ta presente pa por haci'e preguntanan y tin mas claridad den e caso.

Abogado mr. Illes a bisa Hues cu e no tin nada contra pa pospone e caso. Hues a honra e peticion di Fiscal. □



## St. Maarten ta aplica programa pa monitor desaroyo infantil

**PHILIPSBURGH** – Personal di Baby Wellness Clinic, na Sint Maarten recientemente a ricibi certificadonan di minister di Salubridad Publico, Cornelius de Weever. E cursistanan a finalisa un siman

di training relaciona cu e programa di “Van Wiechen”. E ta un instrumento pa monitor e desaroyo di muchanan den edad di 0 pa 4 aña. Ta uza e metodo aki tambe na Hulanda, Aruba y Corsou.

Pa medio di aplicacion dje programa, sector di salubridad hubenil den un fase tempran, por detecta retraso den desaroyo i purba minimalisa e retraso dor di interveni na tempo. □



## Pueblo Soberano: Sherwin Josefa a cay den influencia robes



**WILLEMSTAD** - Pueblo Soberano ta convenci cu ex minister pa e partido, Sherwin Josefa a cay den influencia robes y cu e mester di yudansa profesional. Ta e influencia aki a pone, segun Pueblo Soberano, cu e ex mandatario a haya den problema cu husticia, pa motibo di maltrato di su casa. Nos ta spera cu Josefa lo tuma e conseho cu diferente Soberano a doño recientemente,

esta pa e busca yudansa cualifica. Asina presidente di Pueblo Soberano, Edward Joseph ta menciona den un comunicado. Pueblo Soberano no ta aproba e actuacion di Sherwin Josefa cu a conduci na su detencion. Segun e splicacion di Pueblo Soberano, den un comunidad di lei y regla no tin luga pa e actonan manera el a tuma nota di dje. Esun cu faya cu lei mester carga e consecuencia di ley.

Sinembargo, e partido di Sherwin Josefa ta indica, cu no obstante tur cos, e loke ta pasa cu Sherwin Josefa ta keda algo doloroso pa e Soberanonan cu conoce un otro Sherwin Josefa. ‘Un hende humilde, trankil, bon colega y un cabes di famia cu tabata uno responsabel’. Pueblo ta desea forsa na famianan, casa y yiunan di Sherwin cu ta pasa den un tempo dificil na e momento aki. □

## Fundacion I-Animal a recauda 4561 florin



**WILLEMSTAD** - Fundacion I-Animal, a recauda 4561 florin. E recaudacion a tuma luga durante dje anual actividad di e fundacion. E aña aki e evento a tuma luga den Parke Wilhelmina. Durante e evento aki tanto artista como locutor nan di radio y presentando nan di programa di television a duna nan contribucion dor di bay cera den un couchi. Esaki a hala atencion riba e fenomeno di animalnan cu ta pasa henter nan bida cera den couchi sin haya niun tiki cariño ni atencion. Entre

otro Junior Tecla, Celeste Arrindell, Ulrich Leonora, Sherry, Gilmar Concencion, John Anthony y Rich di Dreams tur tabata den couchi cera y por a sali danki na e donacion di e publico bishitante. Tambe tabatin posibilidad di caricia varios animal manera cacho, conenchi, cabrito y core riba poni plus saca potret cu tur e animalnan aki, cual potret por a haya mesora bay cas cune. Fundacion I-Animal ta gradici entre otro Stanley Ignacio, Silvie Pinedo, Miluska Engelhardt y Rashel pa nan aparte

na pa e animalnan. Gradicimento di Fundacion I-Animal ta bay tambe pa Fotografnan Theo Meijer, Caroline Castendijk, Silvia van Dijk y Ryan Aniceta, pa nan tempo y dedicacion y tur organisacion cu a participa plus tur boluntario cu a yuda haci e evento un gran exito. Lo uza e fondonan cu a adkiri pa desaroya mas material educativo pa parti sea na scolnan durante seccionnan informativo of billboard nan cu ta pone na varios parti di Corsou. □

### R. TORRES SERVICE AND CLEACNING N.V.

Ta busca

#### AFVAL SORTEERDER HELPER CHICAPOS

Contact persoon: sra. Ingri del Valle  
Tel: 594-3314

Prome cu solicita of yama, mester pasa registra na DPL Seroe Blanco #4, cu un cedula of papel di Afl. 5,= di Registro Civil entre 7:30am - 11:00 mainta di Dialuna pa Diabierna.

### SEAN JEWELERS

Ta busca

#### SALES MANAGER

Contact persoon: Sean Bhatia  
Adres: Weststraat #13  
Tel: 583-3642

Prome cu solicita of yama mester pasa registra na DPL Seroe Blanco #4, cu un cedula of papel di Afl. 5,= di Registro Civil entre 7:30 - 11:00 mainta di Dialuna pa Diabierna.





# Shamiro Anita riba tour na Hulanda

AMSTERDAM -- E cantante hoben Shamiro Anita ta riba un gira na Hulanda cu ta dura te dia 28 di october. Shamiro ta bishita diferente iglesia y tambe lo tene diferente concierto na diferente ciudad na Hulanda.

Shamiro a saca su album nobo titula Un Brasa So Mi Ke na november di 2012 y den augustus ultimo Shamiro tabatin e gran Concierto di e cd aki den WTC. E concierto aki tabata completamente yen y hopi ta es nan cu a comenta con e concierto aki a bendiciona nan inmensamente. Despues dje concierto Shamiro no a para keto.

El a participa na e di 3 Festival Internacional de Musica Cristian y tambe na un celebracion di The Voice of Jesus na Aruba. Recientemente el a presenta tambe na Medellin Colombia pa un Iglesia grandi, caminda el a introduci su album nobo. Tambe el a ser entrevista dor di un die emisoranan mas grandi di Medellin, caminda diferente di su canticanan a logra yega te den e Top di musica.

Awor ta toca turno na Hulanda por experiencia e abrasso di Dios cu ta Move Tur Montona. Shamiro ta invita un y tur aya na Hulanda pa bin y disfruta di cada presentacion cu ta bay tin, pa nan sali contento yena cu pas y bendicion. E ta convenci, cu e palabranan y estilo unico di su musica lo toca curasonnan y trece alivio den temponan dificil.

Shamiro ta plania pa bishita Den Haag, Amsterdam, Rotterdam, Zoetermeer, Almere y otro stadnan na Hulanda. Riba Shamiro su FaceBook por mira e "Tour Schedule". E lo participa tambe den un tremendo Concierto titula "I Will Praise The Lord All my Life" cu lo tuma luga dia 26 di october na "NACE" Church na Hoogvliet Rotterdam.

Tambe Shamiro ta informa, cu e ta dispuesto na presenta na otro evento, actividad, celebracion, show, concierto, fiesta, etc. cu tin durante den e periodo aki. Asina e ke logra cu mas i mas hende lo ser toca y bendiciona cu e palabranan di Dios pa medio di su musica.

Pa mas informacion di na unda Shamiro lo ta durante di su bishita aya na Hulanda y tambe pa drenta den contacto cone pa e por bin bendiciona bo evento, por yama su manager sr. Edmiro Anita na 5999-5622233 of tambe por manda un email na anita\_miro@hotmail.com. Tambe

por haña un bista di su skema na Hulanda via di Shamiro su pagina di Facebook 'Shamiro Anita' Fanpage. Pa mas informacion, pa scucha y cumpra su canticanan por su website [www.shamiroanita.com](http://www.shamiroanita.com). Probecha bira Shamiro su 'fan' riba facebook i asina sigui tur su ultimo desaroyonan musical. □



PROUDLY PRESENTS:

THE 1ST HAUNTED FRENCHMAN'S PASS

# ZOMBIE TRAIL

IT'S THE SCARIEST RUN&WALK EVER FOR YOUNG&OLD

7K HALLOWEEN COSTUME RUN & WALK

PRIZES FOR BEST, FUNNIEST & MOST TERRIFYING COSTUMES BY INDIVIDUALS, TEAMS, GROUPS, SCHOOLS & FAMILIES.

**MAP**

1 CMB Sta. Cruz

2 French pas

3 B55 Gold Mills Ruins

**DATE:** OCTOBER 31ST, 2013

**TIME:** 7PM

**PLACE:** CMB STA. CRUZ BRANCH

**PRICE:** AFL. 15,00

**ATTIRE:** HALLOWEEN COSTUME

WITH **DJ DIABLO**

SIGN UP AT IBISA, RUNNERS & TRI-BIKE

**SIGN UP TODAY**

**MAX 1000 SOULS**

SPONSORED BY:

**IVO4LIFE**

**irunaruba**



# Cancer na pecho



**ORANJESTAD** -- Cancer ta cuminsa ora cu e celnan na cualkier parti di bo curpa cuminsa crece y acumula for di control. Aunke cu tin hopi tipo di cancer, tur ta manifesta nan mes door cu celnan ta crece for di control y na un manera abnormal. Diferente tipo di cancer por manifesta nan mes na diferente forma. Por ehempel, el cancer di pulmon y cancer na pecho ta dos malesa completamente diferente. Nan ta crece diferente y nan ta reacciona diferente na tratamiento.

Cancer di pecho ta cuminsa den e tehidio di pecho (breast tissue). Cancer di pecho ta mas comun den hende muhe, pero hende homber tambe por haya cancer na pecho. Tin diferente tipo di tumor na pecho. Hopi di nan no ta peligroso, o sea, no ta maligno, pues nan no ta cancer. E asina yama tumor benigno aki ta tumornan den pecho pero nan no ta expande pafo di e pecho y nan no ta forma un peligro pa bida. Hopi biaha

cancer di pecho ta extende te yega bou di brasa den e kliernan caminda nan ta sigui multiplica nan mes. A traves di e kliernan aki nan ta wordo distribui y ta yega na afecta otro organonan di un hende su curpa.

E prome señal di cancer na pecho ta un pipita o masa nobo. Un pipita cu no ta haci dolor, cu ta duro y cu tin un forma iregular muy probablemente ta cancer. Pero tambe tin algun cancer cu ta suave y rondo. Esey semper ta bon pa laga un dokter controla si bo sinti un pipita of cualkier cos no normal na bo pecho of bou bo brasa. Otro sintomanan di cancer na pecho ta lo siguiente:

Un hincha na parti di e pecho  
Iritacion di cuero  
Dolor na bo nippel of e nippel ta bira bay aden  
E nippel of e cuero di pecho ta cora y ta pela  
E pecho ta saca un likido cu no ta lechi di pecho  
Un pipita den e area bou di brasa

Ainda no ta conoci kico exactamente ta causa cancer na pecho, pero nos sa si cu tin cierto factornan di riesgo mara na e malesa aki. Un factor di riesgo ta algo cu ta hisa e chens cu un persona ta haya un malesa den e caso aki cancer. Algun di e factornan di riesgo por wordo controla, manera humamento. Otronan no por wordo cambia, aki nos ta considera por ehempel edad y historia familiar. Pero si bo tin un factor di riesgo o diferente factor di riesgo esey no ta significa cu lo bo haya e malesa. Factornan di riesgo pa Cancer di pecho

Algun factornan di riesgo cu Bo no por cambia o evita:

Sexo: Simplemente door di ta hende muhe ta haci e riesgo mayor pa haya cancer na pecho

Edad: E riesgo di haya cancer na pecho ta subi manera e hende muhe ta subi den edad. Factor di riesgo genetico un di cada 10 caso de cancer na pecho ta mara na cierto cambionan genetico. Si un hende muhe hereda un di e genes nan aki, e riesgo di haya cancer na pecho ta mas halto. Alrededor di 50%-60% di e personanan aki tin e cambionan genetico aki lo haya cancer na pecho prome cu nan cumpli 70 años.

Historia familiar: E riesgo di haya cancer na pecho ta mas halto entre hende muhe nan cu tin familiarnan cerca cu a haya e malesa aki. E familiarnan aki por ta di cualkier banda di famia o sea di banda



di mama o di banda di tata. Historia personal di cancer na pecho: E hende muhe cu tin cancer na un pecho tin un chance mas grandi di haya cancer na e otro pecho o na un otro parti di e mesun pecho. Periodo di menstruacion: Hende muhe cu a cuminsa haya nan menstruacion tempran (prome cu 12 años di edad) of cu a drenta menopausa despues di a cumpli 50 años tin un tiki mas riesgo di haya cancer na pecho. Esaki tambe ta asina pa hende muhe cu nunca no a haya yiu of cu a haya nan prome yiu despues di nan 30 años.

Factornan di riesgo cu Bo por cambia o tene cuenta cu nan: Pilder anticonceptivo: Ainda no ta conoci cua parti di e pilder anticonceptivo ta hunga un rol den aumenta e riesgo di haya cancer na pecho. Estudionan a indica cu hende muhe cu ta uza pilder anticonceptivo tin un riesgo mas halto di haya cancer na pecho. Hende muhe cu a stop di uza pilder anticonceptivo mas di 10 años pasa no a demostra di tin e aumento di riesgo aki. Ta bon pa discuti uzo di pilder anticonceptivo cu bo dokter. Duna lechi di pecho: Algun estudio a sugeri cu ora un hende muhe duna pecho y esaki continua pa 1 año y mei pa dos años esaki ta reduci

e riesgo di haya cancer na pecho.

Alcohol: Uzo di alcohol a demostra di hisa e riesgo di haya cancer na pecho. Hende muhe cu ta bebe 2 pa 5 bebida alcoholico pa dia tin 1.5 biaha mas e riesgo di haya cancer na pecho cu e hende muhe cu no ta bebe alcohol. Nos ta recomenda pa bo limita bebida alcoholico, si bo ta consumi esaki.

Dieet: E persona cu peso di mas tin un riesgo mas halto di haya cancer na pecho, specialmente e hende muhe nan cu a drenta nan menopausa y cu a subi di peso durante nan tempo di adulto.

Ehercicio: Ehercicio y cancer ta un area nobo den investigacion. Algun estudio ta sugeri cu ehercicio durante hubentud por duna un proteccion pa bida largo contra di cancer na pecho. Hasta ehercicio fisico modera durante adulto por reduci e riesgo di cancer na pecho. Mas investigacion ta necesario pa confirma e resultadonan aki.

Pa mas informacion encuanto cancer por tuma contacto cu Koningin Wilhelmina Fonds Aruba na Spinozastraat 9 of por yama nos na 5820412. Tambe por bishita nos FaceBook page Koningin Wilhelmina Fonds Aruba. □

## Muchanan cu ta keda cas despues di scol sin supervision di adulto

**ORANJESTAD** -- IPA a tene un otro charla comunitario. E orador invita tabata drs. Olivia Groeneveldt. E topico tabata: E muchanan cu ta keda cas despues di scol sin supervision di un adulto. E charla aki tabata bon bishita pa maestro di tur nivel di enseñansa y pa representante di diferente organisacion y instancia cu tin haber cu mucha y hoben.

Na Hulandes nan ta yama mucha cu ta keda cas sin supervision di un adulto 'sleutelkinderen' y na Ingles 'latchkey children'. E palabra aki a origina durante e tempo di Se-

gundo Guerra Mundial, tempo cu e tatanan mester a bay guerra y e mamanan mester a drenta fabrica pa haci e trabou di nan casa. E muchanan mester a keda cas nan so prome y despues di scol. Hopi biaha e mamanan tabata laga e muchanan cu e yabi di cas. E muchanan tabata pasa e yabi di cas rond di nan nek, cu un cadena, un sinta of un pida cabuya. Aki na Aruba sa laga e yabi tambe den un pochi di mata of bou di mat.

Durante e charla drs. Groeneveldt a presenta e datonan estadistico di Cen-

traal Bureau Statistiek Aruba (C.B.S.) tocante mucha cu ta keda cas sin supervision. E datonan di C.B.S. ta muestra cu e porcentahe aki na Aruba ta hopi abou y cu hopi mucha ta na cas cu un ruman riba 18 años of un adulto. Sinembargo, hopi maestro di scol ta haya nan confronta cu e fenomeno aki cu aparentemente ta mas grandi cu e cifranan di CBS ta muestra. Groeneveldt a trece dilanti cu diferente estudio cientifico ta muestra cu mester conscientisa e mayornan, cu e momento culminante pa un mucha haya su mes den

problema ta e oranan despues di scol si e no tin supervision. E muchanan cu ta keda nan so na cas, sin supervision, hopi biaha ta ferfela nan mes y algun di nan ta coy mal caminda, entre otro nan ta experimenta cu alcohol, droga y sex, cu por resulta den, adiccion na alcohol, droga of internet, mal alimentacion y em-baraso hubenil. Ferfelamento por conduci na subi caya y cay den gang y delincuencia. Hopi biaha un mayor soltero ta haya su mes confronta cu un yiu cu ta gaña cu e tabata na cas. Falta di supervision

por resulta den problema di actitud.

Den e discusion na final tur hende a haya chens pa trece nan experiencia y preocupacion dilanti. E conseho general cu tur hende tabata di acuerdo cu ne tabata, cu pa solucion e problema aki mester involucra henter comunidad: gobierno, mayor, scol, tur sorto di instancia, sindicato, doño di trabou, club social, iglesia. Conscientisacion di comunidad ta un prioridad: un discusion nacional tocante e fenomeno aki lo habri hopi wowo. □



# AHATA a organisa un tayer con pa preveni fraude



*Sea informa pa bo no bira victima*  
**Polis ta ofrece curso con pa identifica credit card falso**



**ORANJESTAD** -- Recientemente Inspector di Polis, Andrew Hoo a ofrece un session special na empleado y doñonan di negoshi di Paseo Herencia encunto con pa identifica uzo fraudulento di metodonan di pago. Esaki ta un crimen unda ta nota algun subimento drastico den cierto temporada y pa yuda e comerciante y su empleadonan proteha nan negoshi miho, Cuerpo Policial ta ofrece e sessionnan di informacion aki. Inspector Hoo ta miembro di e team encarga cu e investigacion di e casonan di uzo fraudulento di credit card y placa cash. E ta splica cu tin un crecimiento den casonan di fraude cu credit card ultimo tempo atrobe den e area di hotel. Inspector Hoo ta

subraya cu e informacion cu Cuerpo Policial ta duna no ta importante solamente pa e comerciantenan den e area cu ta e blanco di e criminalnan, pero ta necesario pa tur negoshi cu tin di haci cu turismo y ta acepta credit card. Cuerpo Policial a ripara cu mester educa e comerciante tocante kico nan mester pone atencion riba dje pa por preveni e fenomeno aki, segun Hoo. Vocero di Polis, Lito Lacle y Inspector Hoo ta sugeri pa doñonan di negoshi cu ta traha cu credit card pa tuma contacto cu nan na Polis di Beach of via di Centro di Husticia na Macuarima pa haci un peticion pa Cuerpo Policial comparti e informacion tocante uzo fraudulento di metodonan di pago. □

**ORANJESTAD** -- Aruba Hotel & Tourism Association hunto cu Polis di Aruba (KPA) a organisa dos tayer pa su miembronan. E tayer a tuma luga na Aruba Marriott Resort & Casino y tabata over con pa protege bo negoshi y preveni fraude, specialmente e fraude cu ta wordo haci cu credit card.

KPA a expresa su preocupacion na AHATA over di fraude cu ta wordo haci ultimamente cu Credit Card y Dollar Americano falso na Aruba y tambe a expresa cu e accionnan aki ta mas frecuente cada dia.

Pa cu esaki KPA a ofrece AHATA pa hasi un tayer pa e personal di companianan den e sector turistico manera restaurant, hotel, tienda, entre otro. Durante e tayer e companianan presente a wordo informa over di e ultimo ten-



dencia nan cu ta wordo uza na momento di comete fraude cu Credit Card y Dollar Americano falso.

E presentacion a wordo duna pa e polis Andrew Hoo, ken tambe ta e Coordinador general di Polis na Beach. Tambe un representante di Caribbean Mercantile Bank tabata

presente durante ambos tayer y a contesta preguntanan over di sistemanan di seguridad cu e banconan tin actualmente. Ambos tayer tabata bon atendi cu mas di 100 participante. Por ultimo AHATA ta informa su miembronan cu e tin planea un otro tayer den un futuro cercano. □

**shop, dine, play = WIN**

|  |  |
|--|--|
| <ol style="list-style-type: none"> <li><b>1 Camaro SS</b></li> <li><b>2 AWG10.000,- Cash Prize</b></li> <li><b>3 7 days Cruise to Alaska for 2</b><br/><i>Including airfare</i></li> <li><b>4 \$1000 Renaissance Mall &amp; Marketplace Gift Certificate</b></li> <li><b>5 Couple Royal Romance Xtravaganza</b><br/><i>Dinner at L.G. Smith's Steak &amp; Chophouse and massage at Okeanos Spa</i></li> <li><b>6 Xtravagant Lunch &amp; Massage</b><br/><i>Lunch for 2 at Aquarius Restaurant and massage at Okeanos Spa</i></li> <li><b>7 Okeanos Spa Couples Massage</b><br/><i>at the Exclusive Renaissance Island</i></li> </ol> | <p><b>Shop between 6pm - 8pm at Renaissance Mall and get DOUBLE coupons!</b></p> <p>Shop, dine or catch a movie!!! With every purchase of AWG 25,- in Renaissance Mall &amp; Marketplace, exchange your receipt for a coupon at the promo booth to participate in the extravagant raffle.</p> <p style="text-align: center;"><b>OR</b></p> <p>Accumulate points with Crystal &amp; Seaport Casinos membership card "The Card" and for every <b>25 points</b> or combination as per table game rules you receive one coupon.</p> <p>Place your coupons in the tombola at Crystal &amp; Seaport Casinos or Renaissance Mall and Marketplace.</p> <p>The final raffle will take place during the Island Extravaganza event on November 30th at 9pm. Winner(s) must be present to claim prize!</p> |
|--|--|

**+ Weekly prize** 2 weekly prizes of Afl.500,- Renaissance Gift Certificate

**+ Tourist prize** A trip back for 2 to Aruba

**RENAISSANCE** MALL & MARKETPLACE

**CRYSTAL & SEAPORT** Casino Casino

Located in the heart of Oranjestad at Renaissance Resort. For more information, please call 523-6115. [www.shoprenaissancearuba.com](http://www.shoprenaissancearuba.com) or [www.arubacrystalcasinos.com](http://www.arubacrystalcasinos.com)

Management reserves the right to change or cancel this campaign at any time.



## Aruba internacional Bike week

**ORANJESTAD** -- Ta organisa e di 3 Aruba Internacional Bike Week". Nos meta principal ta pa uni tur ciclista y pa conscientisa tur usuario di caminda ariba un trafico mas sigur y tambe pa alerta cu motociclistanan tambe ta forma parti di nos trafico tur dia. Tur actividad ta concentra bao e tent grandi (Bike Village) situa dilanti Centro Deportivo Libertador Betico Croes, Sporthall, Santa Cruz. Entrada na tur actividad ta gratis mientras cu tur dia bar y cushina ta bon surti. Apertura di e bike village ta di-

aluna 28 di Oct cu DJ Genie. Dia di inscripcion ta diamars 29 october. Prijs pa persona ta Afl 65,00 of US\$ 35.00. Esaki ta inclui bo T-shirt; back-pack, soft drinks, breakfast, lunch & dinner. Chance pa gana mas di Afl 1.000,00 na premio cash y hala di otro premionan manera gift certificates, dinner for two, pakete pa celebra bo fiesta di fin di aña y mucho mas. Ariba diamars di 29 di Oct, pa promebes den historia lo tin un eleccion di Reina AIBW 2013. Lo tin premionan fabuloso pa e finalistanan manera giftcer-

tificate di e.o. Star Fashion, Shannon's Accessories Trash by Ronchi, Yolo, Arubianas y mucho mas. Un suplica ta bai un biaha mas pa tur club pa bin cu nan reina y publico general di Aruba ta wordo pidi pa bin apoya nan reina. Diaranson 30 Oct. lo tin e famoso parada di Halloween. Salida for di Sta. Cruz ta 19:30. Regreso ta 20:30 na Sta.Cruz sigui pa fiesta di disfraz bao tent cu animacion di e grupo Banzaai ban Cosecha. Diahuebs 31 october tin e careda pa Caribbean Night na San Nicolas. Salida for di

Sta.Cruz ta 19:00 y regreso na Sta.Cruz ta 22:00 sigui pa un anochi di locura cu yen di wega bao tent y lo no haci falta di e tattoo contest cu premionan fabuloso. Diabierna 1 Nov lo tin un careda nostalgico den pueblo di Sta.Cruz. Salida: 19:00 y yegada 21:00 sigui pa e famoso karaoke nite presenta pa Giovanni Trim. Grand Prize: Afl 500,00. Diasabra 2 Nov henter dia tin bike show bao tent. Anochi 19:00 tin e famoso Pokerrun cu un cash prize di Afl 500,00 y hopi premio di consolacion, sigui pa un Pokerrun party cu animacion di DJ Genie. Diadomingo 3 Nov lo tin e di

shete "BETICO MEMORIAL RIDE" cual contrario na tur otro ride ta sali 11:00 for di NAPA, Shaba. Prome cu e salida di 09:00 pa 11:00 lo tin e tradicional desayuno na NAPA, Shaba. E "main ride" lo cubri Aruba henter. Parti mainta ta pasa pabao di brug cu un lunch stop pa 13:00 na Sta.Cruz.

E segundo etapa ta wordo cori pariba di brug y ta termina pa 16:00 na Sta.Cruz. di 16:00 pa 20:00 lo tin fiesta di clausura cu animacion di Wiilbert y su Vallenato y DJ Genie. Tur tipo di bike, trike, scooter, quadracers ta bon bini. Corda bin cu bo helm. □

## Interesante anochi di charla na Ateliers '89 fundacion



**ORANJESTAD** -- Ateliers '89 Fundacion y Ateliers '89 Academia di Bellas Artes Aruba hunto cu UNOCA ta sigui cu su tanda di charlanan inte-

resante pa artistanan local y internacional. Un anochi ameno cu e artista di moda Venezolano biba na Aruba, esta Sra. Susej Verde y e maestro ac-



tual den residencia pa moda: Sr.Joris Suk y tambe e otro maestro den residencia pa escultura e artista maestro: Sr. Tirzo Martha. Tur tres artista ta preparando nan mes fuertemente pa presenta nan mes duro durante e anochi aki di charla y presentacion di nan obranan riba video-beamer. Tur esaki lo ta Diahuebs awor, 24 di October, cuminsando for di 6.30pm den e sala di teatro preto na Ateliers '89 yama BLACKBOX. E anochi aki lo tin un duracion total di 2 ora y tin chens pa pregunta segun e anochi bay. Susej Verde ta un artista di Moda Venezolano, cu un gran trayectoria. Actualmente Susej ta bibando na Aruba y e lo muestra nos, su obra completo y su

plannan pa futuro cercano. Joris Suk ta un artista di Moda Hulandes cu ta cosechando fama na Hulanda y Internacionalmente. Joris, a caba di ricibi e grato noticia, cu e la wordo invita pa presenta su coleccion di Moda durante Amsterdam Fashion Week na Januari 2014. Tirzo Martha, ta un di e grandi nan di nos isla ruman Corsou, kende actualmente ta dunando les aki na Ateliers '89 hunto cu Joris Suk. Tirzo, lo papia ariba su exitonan grandi como artista internacional y como director di academia di arte na Corsou esta Instituto Buena Bista. E anochi aki ta uno gratis y ta habri pa tur hende por participa! Djis yega na tempo y bo presencia lo ta altamente aprecia. □



## Coca Cola y Ecotech Aruba ta recorda comunidad riba e “Single Serve” campaign Saca potret cu e FIFA World Cup Trophy dia 2 di November proximo



**ORANJESTAD** - Den September ultimo, Coca Cola y Ecotech Aruba a anuncia nan colaboracion pa asina no solamente trece conscientisacion riba reciclahe pero tambe curasha Aruba pa recicla y gana nan entrada pa e evento mas grandi na Aruba pa 2013; cual ta e yegada di e trofeo mundial di FIFA dia 2 di November proximo. E “Single Serve” campaña ta masha facil mes pa participa. Ecotech Aruba tin nan famoso toter nan na 14 diferente luga/snacks rond di isla, di San Nicolas pa Noord. E parti importante di e campaña aki no ta solamente cu abo por ta un di e feliz ganadonan, pero tambe ta un di e meta nan mas grandi cu Coca Cola y Ecotech Aruba kier wak riba nos dushi isla, cu en bes cu e bleki of boter di plastic nan aki, wordo tira afo pero nan lo wordo recicla y asina minimalisa e cantidad di desperdicio cu lo keda riba nos isla. Consumidor nan di Coca Cola, Diet Coke of Coke Zero, lo cumpra esaki nan na e luga nan aki, bebe y na e toter nan tin un marker cu asina por skirbi, entre otro: nan nomber y fam, adres y

number di contacto; deposita esaki den e toter di Ecotech Aruba y asina ta participa pa asina por ta un di e 75 ganadonan.

E ganadonan lo wordo saca dia 25 di october durante e exhibicion di arte reciclahe cu e scol nan secundario ta participante den dje.

E luga nan participante nan ta: Valero Essoville, Central Madereinse, Gallo Rojo, Tia Rosa Snack, Kabayan, Shahai Take Away, Niaska, Valero Boulevard, Bright Bakery, Shoco Snack, Nos Aventura Snack, Dushi Snack, Mi Bunker Snack y Welcome Snack.

### COMPETENCIA DI ARTE DI RECICLA

E competencia di arte recicla di “FIFA World Cup Trophy Tour y Coca Cola” ta den full swing. 8 Schoolnan secundario ta participa den e competencia di arte recicla organisa door di Coca Cola. Esaki ta forma un total di 29 gruponan. E schoolnan tin 5 simannan mas pa traha nan arte recicla. E arte mester representa FIFA, e Trofeo, football, Aruba of Brazil. Y ariba November 2, e klas of grupo ganado lo haya e oportunidad



pa saca potret cu e Trofeo di copa Mundial di FIFA. Coca Cola, a cuminsa parti cahanan di Coca Cola na e diferente schoolnan cu ta participa den e competencia. Mon Plaisir, Filomena College, y Ibero Americano School ta e prome schoolnan cu a haya e productonan di Coca Cola, ya cu esakinan ta e tres schoolnan cu tin mas tanto grupo cu ta participa. Coca Cola a regala cada grupo klas cu ta participa dos caha di bleki pa asina e studiantenan por bebe, recicla y uza e blekinan pa construi e arte di reciclahe. E klas ganado lo wordo eligi dia 25 di october 2013, na e exposicion cu lo tuma logra na Linear Park. □



**ALL THE MOVIE INFORMATION YOU WANT AT YOUR FINGERTIPS**

**CONNECT TO**  
[caribbeancinemas.com/aruba](http://caribbeancinemas.com/aruba)

Showtimes • Synopsis  
Coming Attractions

Download our NEW APP

Available on the App Store

ANDROID APP ON Google play

BUY YOUR TICKETS ONLINE USING [CARIBBEANCINEMAS.COM/ARUBA](http://CARIBBEANCINEMAS.COM/ARUBA)

**e cinema express**

Palm Beach Plaza | Aruba | 586-0074



## Ladronnan ta drenta den oficina di dentista

ORANJESTAD—Diamars 01.30, Central ta manda Polis na e oficina di Dentista Ho Kang You pa un kiebrot. Na e sitio Polis a papia cu e homber M.H. kende ta bisa cu mas o menos 01.28, e alarma di e luga a activa y ora cu el a yega na e sitio, el a haya henter e oficina reboltia. E bentana di baño tabata kiebrot. No ta conoci, ki sorto di articulonan e ladronnan a bay cun'e.

## Ladron ta bay cu tres bicicleta

ORANJESTAD—Diamars 04.05, Central ta manda Polis na un cas na Madiki Kavel pa un kiebrot. Na e sitio Polis ta topa cu e habitantenan. Nan ta declara cu nan ta famia di nan bisña, e cas na banda. Nan famia no ta na cas. Desconocinan a bay cu tres bicicleta for di den nan cura. Nan a bay den bisindario pa mira si nan por haya e bicicletanan bek. Polisnan a bisa nan pa nan pone nan famia na haltura pa nan bay duna keho di ladroncia. Polisnan tambe a controla den bisindario, pero no a topa cu nada.

## Desconoci ta kibra auto na Warawara

WARAWARA—Diamars 04.05 na warda ta drenta un yamada cu desconocinan a kibra e bentana banda drechi di un Nissan Sentra, cu tabata para den cura di un cas na Warawara. Tambe e informante ta bisa cu nan ta tras di e auto cora di e marca Toyota Tercel A-36668 y e auto ta na haltura di Botica Maria na Santa Cruz. Polisnan a core riba Caya Betico Croes te na e rotonde di Rondweg, pero no a topa cu e auto. Un rato despues un omo a bin warda pa duna keho.

## Ladroncia den cas den Driemasterstraat

ORANJESTAD—Diamars 07.20, Central ta manda Polis na un cas den Driemasterstraat pa un kiebrot. Na e sitio Polis ta papia cu e homber M.T., kende ta bisa cu desconocinan a kibra e bentana di sala y a drenta paden. Nan a bay cu algun comestibel y tambe un bicicleta di e marca trek 9000 zr color cora. Polis a tuma e keho.

## Ladronnan a kibra den container di pisca

ORANJESTAD—Diamars 08.11, Central ta manda Polis den Tomatenstraat pa un kiebrot. Na e sitio polis a papia cu e homber B, kende a bisa cu e ta un trahado y ta cuida un container cu contenido caha di pisca. E ta declara cu dia 21 di october 17.30 e container tabata intacto na yabi cu cuatro candal. Mainta ora cu el a bolbe, e doño di e edificio banda di e container a bis'e cu ladron a kibra drenta den e container. Polis a tuma su keho.

## Ladron ta kita tire for di dos auto

WEG FONTEIN—Diamars 08.25, e muhe H, a bay warda di San Nicolas pa duna keho di ladroncia. E ta bisa cu durante oranan di anochi, desconocinan a bay cu cuatro tire di su auto. E auto ta un Suzuki Baleno color blanco y tabata para den nan cura. Tambe nan a bay cu dos tire dilanti di un Nissan Sentra, cu tambe tabata den cura. E tirenan tur ta di 13 inch. E marca di e tirenan ta desconoci. Polis a tuma su keho.

## Problema y maltrato na Kamay

KAMAY—Diamars 11.47, Central ta manda Polis di Noord na un cas na Kamay, na unda probablemente tin un homber bou di influencia di droga, a maltrata un persona. Na e sitio polis papia cu e director C, kende ta bisa cu mainta tempran un homber a bin na su luga y a puntra pa e homber D. pero e no tabata eynan. Despues el a bay y mas o menos 11.30, e homber a bolbe, y a haya D, eynan. El a bay cun'e den su oficina pa papia cun'e. E homber ta un tal S. S ta tilda D, cu el a caus'e daño cu scondemento di impuesto di un ex negoshi cu e tabatin cu dos otro persona. D a bisa Polis cu mesora S, a cuminsa bringa cun'e. Polis a mira cu e horea banda robes di D, tabata kibra y e tabatin un hinchu na su cabes banda drechi y ta biña. D a bay Poli pa tratamento y despues lo bay Recherche pa duna keho.

## Choller ta destrui auto cu piedra

ORANJESTAD—Diamars 16.19, Central ta manda Polis di Oranjestad na haltura di e rotonde di Tarabana. Na e sitio Polis ta topa cu choller Toussaint naci na Aruba di 57 aña. E muhe D, ta bisa Polis cu e choller Toussaint a tira un piedra riba su auto A-791 di e marca Hyundai Accent. Polis a detene Toussaint na haltura di Tarabana Supermarket.

## Ladron ta kibra den auto



MOOMBA BEACH—Diamars 18.01 Central ta manda Polis na e luga di parkeer di Moomba Beach pa un kiebrot den un auto. Na e sitio Polis a papia cu e muhe E, kende ta bisa cu el a par su auto 15.00 riba e parkinglot di Moomba Beach y a lag'e na yabi. Ora cu el a bolbe 17.30, el a constata cu desconocinan a kibra e bentana di e porta dilanti y nan a bay cu un Dell Laptop, un Nikon Camara y algun documentonan importante.

## Basta articulo horta laga atras riba veld di Kudawecha

KUDAWECHA—Diamars 19.00, Central ta manda Patruya direccion di e veld di Kudawecha, na unda a haya algun articulonan cu ta procedente di ladroncia. Na e sitio polis a papia cu e homber D.C., kende a mostra Polisnan un cantidad di articulonan, entre otro stoel di hardin, matanan artificial, sapato, herment, tas y yabi. Ora cu Polisnan a controla nan a haya e number di Villa Floralina. Tambe nan a haya e number di auto A-25340. Central a meld cu e number di auto ta registra riba un Mitsubishi blanco 1300 di Villa Floralina na number di P.M. cu ta biba na L.G. Smith Blvd. Despues di investigacion, a resulta cu e auto a wordo horta mas tempran den dia y P.M. a duna keho.

Na Villa Floralina, Polisnan a papia cu e homber R, kende ta bisa cu normal e ta core cu e auto. R a reconoce un cedula Colombiano di su mama. A wordo dicidi pa hunto nan bay busca e articulonan riba veld di Kudawecha. Polis a bay cu e number di auto.

## Choller ta menasa doño di kiosco cu biga

ORANJESTAD—Diamars 23.15 Central ta manda Polis na Macumba pa un choller fastioso. Na e sitio Polis a papia cu e homber E, kende ta bisa cu nan a kibra drenta den su luga y el a haya su cosnan den un cas bashi dilanti su negoshi. El a bisa cu el a haya e choller van der Blik den e cas y el a bisa cu e no sa kende a laga e cosnan horta eynan. Un rato despues e choller a bolbe y a menasa E cu e lo kima e kiosco. Net prome cu Polisnan a bin na e sitio, e choller van der Blik supuestamente a bay direccion di warda di Polis. Polis a core bay den e direccion y un biaha mas a wordo manda na Macumba, na unda e choller a bolbe cu un biga. Polis a bay y a topa cu e choller den bisindario y a scual'e pisa y a core cun'e for di e sitio. L., no kier duna keho.



# Dama ta perde control riba su auto y ta drenta mondi



**ORANJESTAD** -- Diamars pa mas o menos 12'or di merdia Polis ta wordo manda cu urgencia riba e caminda di Canashito pa un accidente cu un persona herida. Na yegada Polis ta topa cu un Toyota Tercel berde hinca bao di un mata. E dama chauffeur tabata bayendo direccion di e crusada di Mahuma y na dado momento e lo a perde control baha di caminda y bay pega den mondi na banda drechi di caminda. E dama tabata keha di tin dolor basta fuerte. Hopi lihe ambulance a yega na e sitio y despues di a trat'e na e sitio mes, personal di ambulance a transporte pa hospital. □

*ATA a reuni cu Formado Mike Eman*

## ATA tin un modelo solido cu ta demostra di funciona



**ORANJESTAD** — Turismo a hunga un rol grandi den e recuperacion economico di pais Aruba. E cifranan di turismo den e ultimo 4 añanan ta na agrado di henter e sector turistico y particularmente di Aruba Hotel & Tourism Association. James Hepple a expresa esaki algun dia atras durante di un reunion cu formado Mike Eman.

E desaroyonan positivo aki ta danki na e esfuersonan pa Aruba keda semper un paso dilanti di e competencia den e sector turistico y e disponibilidad di fondonan pa por eherce e trabou aki efectivamente. E disponibilidad di fondonan pa haci e trabounan aki ta danki na e cambionan recien caminda a institui Aruba Tourism Authority Sui Generis. Esaki

ta un cambio cu a haya sosten y a cuminsa bou di Gabinete Mike Eman, caminda cu presupuesto pa promove Aruba ta bou di maneho di e mesun ATA.

ATA tabata invita pa sinta cu formado Eman y su team na inicio di e siman aki. E delegacion di ATA a wordo presidi pa directora Ronella Tjin Asjoe-Croes, kende a haya e reunion uno hopi interesante unda a haya chens pa dialoga riba diferente aspecto cu ta importante pa Aruba Tourism Authority y Turismo di Aruba en general.

Tema di e reunionnan semper ta cuminsa cu splicacion di e contenido di e carta cu Gobernador Refunjol a entrega na formado y e puntonan pa tene cuenta cu nan den formacion di su Gobierno. A intercambia di pensamiento y despues ATA a duna un resumen di resultadonan cu e organisacion aki a logra den

su casi 4 aña di existencia. A presenta tambe con diferente indicador ta musta cifranan hopi positivo. ATA a trece dilanti tambe algun punto di atencion, especificamente pa loke ta e area di turismo y su desaroyo. Den cuadro di esaki a menciona cu for di momento cu a independisa ATA, cambiando ley, a crea un modelo solido cu ta un punto fuerte den e maneho di turismo. Esaki ta algo cu mester sigui cu ne, pasobra el a demostra di ta uno exitoso.

A pone formado Eman na altura di e Business Plan cu ta trahando riba dje pa e proximo tres añanan, cual ta wordo hinca den otro cu contribucion di stakeholdernan. Un di e puntonan cu lo enfoca hopi riba dje, cu ta cuadra cu pensamiento di formado, ta e enfoca riba producto Aruba. Atrayendo mas bishitante cu ta gasta mas pero e producto

Aruba mester mehora. Den esaki ATA por hunga un rol, dunando su contribucion di loke por wordo mehora, basa riba loke e bishitantenan ta pensa. “E balansa ey ta haci cu ATA ta bay tin un rol activo y pro-activo,” Tjin Asjoe a bisa. A pidi den cuadro di esaki mas capacidad den cantidad di asientonan.

Pa loke ta mehoracion di producto Aruba, ATA ta aplaudi tur e desaroyonan cu a tuma luga riba tereno di infraestructura. “Nos ta spera cu esaki wordo maneha na un forma duradero pa Aruba conta cu un bon producto pa hopi aña,” e directora di ATA a comenta.

El a agrega cu mester tene cuenta cu e generacion di bishitantenan nobo, cu kisas tin otro necesidatnan cu e bishitantenan actual. Pa finalisa a pidi atencion pa combatiemento di criminalidad. □



*Intercambiando di pensamiento*

# Formado Mike Eman y team a sinta cu un delegacion di 'AZV'

**ORANJESTAD-** Siman pasa y e siman aki formado Eman a reuni cu partnernan den comunidad. Diaranson mainta formado Mike Eman y su team a intercambia di pensamiento cu un delegacion di Algemene Ziektekosten Vereniging 'AZV', encabesa pa su director Anco Ringeling. Un reunion cu a tuma su tempo. Despues di un presentacion amplio na unda masha hopi punto di interes general a wordo treci dilanti, director di AZV Ringeling a califica e encuentro como uno interesante y relevante.

"Nos a repasa diferente desarojo cu ta tumando luga den AZV. Nos a wak bek riba e periodo di gobernacion cu ta tras di lomba y nos a tira un bista riba e periodo cu ta bin". Haciendo e presenta-

cion di e forma aki AZV por a duna formado un bista mas detaya kico ta e punto y aspectonan di AZV cu merece atencion. Ringeling a bisa cu tin diferente punto cu merece atencion. "Un di nan ta e financiamiento di AZV pa loke ta e periodo nos dilanti. Nos mester wak kico ta bay sosode cu e prima y cu e parti cu gobierno ta cubri. Te ainda nos a pone hopi enfasis, esaki for di inicio di AZV, riba e dunadonan di cuida pa wak si nan por baha gasto. Pero lo por pensa tambe den direccion di e consumidornan di cuida.

Cu si no ta posibel pa nan duna un contribucion den forma di un propio contribucion. Ringeling a bisa cu esaki ta un di e puntonan cu nan a trece padilanti, pero semper ta go-

bierno ta keda esun cu ta dicidi. Nan a propone diferente forma na formado pa controla e gastonan. E cambianan aki nunca por ni mag bay a costo di calidad, director di AZV a subraya. "Nos a papia tambe riba calidad di nos cuida. Regularmente tin cierto keho riba esaki. Ta p'esey nos a discuti e formanan con mehora esaki".

Ringeling ta haya cu formado Eman a scucha cu hopi atencion. E ta bon na altura y a haci preguntanan relaciona cu e caso. "E no a duna nos indicacion si con su gobierno lo atende cu cierto asuntonan. Loke ta logico pasobra cu e mester discuti esey cu su coleganan y e minister nobo di salubridad. Mi mester conclui cu e reunion tabata uno relevante y interesante". □



## Utilities Aruba NV ta hunga un rol importante den ehecution vision sostenibel di Gobierno



chikito aki ta haciendo, pero principalmente kico nan por siña di e isla aki.

Ta remarcabel, Hoevertsz a splica, cu den e ultimo Green Conference cu a wordo realisa hunto cu Cref, a constata cu Aruba ta cana hopi dilanti compara cu otro paisnan y interes pa tuma over loke Aruba a haci ta grandi.

"E ta duna nos e forsa y conviccion cu nos ta riba e bon caminda," director di Utilities a splica.

Dialogo Social tambe tabata un tema durante e encuentro aki unda cu a papia riba organizacion di un evento grandi asina cu Gobierno ta sinta pa discuti tur e temanan cu mester wordo trata den e plataforma aki. □

**ORANJESTAD** — Utilities Aruba NV, bou di cual tur e companianan di utilidad di Gobierno ta cay, ta un instancia cu ta hunga un rol importante den maneho sostenibel cu Prome Gabinete Mike Eman a bin ta hibando. Un delegacion di Utilities a reuni cu Formado Mike Eman, kende e siman aki ta sigui cu e

ronda di encuentronan prome cu formacion di e Gobierno nobo keda concretisa.

"E reunion a bay hopi bon," tabata reaccion di Frank Hoevertsz, director di Utilities na su salida di e encuentro cu formado Eman y su team. El a splica cu formado tabata interesa den e ultimo desar-

oyonan den e compania, cual ta e vision pa futuro, y con ta bay implementa vision di Gobierno den proyectonan concreto di e compania.

A conclui den e reunion cu pais Aruba tin un posicion prominente den maneho sostenibel y bista di hopi pais di mundo ta riba kico e isla

### Celebracion Dia di Assistent di Boticario

**ORANJESTAD** -- Diabierna 25 di October lo celebra Dia di Assistent di Boticario y pa e motibo aki, Inspeccion di Medicina lo ta cera henter dia pa publico. E departamento ta pidi tur hende pa tene cuenta cu e lo ta cera e dia ey. □



*Pa recauda fondo*

## Scol Preparatorio y Basico di Mon Plaisir lo tene un Caminata

**ORANJESTAD** - Desde october 2010 Mon Plaisir Kleuterschool y Mon Plaisir Basisschool a inicia un proyecto pa mehora educacion fisico y educacion di movecion.

E proyecto aki ta basa ariba e plan di minister Visser cual ta: "Nacional Plan Aruba 2009 – 2018 Pa combati peso di mas y obesidad y malesa di salud relata na peso di mas.

Nan proximo actividad pa recauda fondo lo ta un Caminata. Esaki ta programa pa diasabra mainta 26 di october y lo ta di 8.00 pa 1'or. E muchanan di ambos scol ta busca 'spon-

sor' kende lo sponsor nan pa cada ronchi cu nan core den 10 minuut. Tambe ta posibel pa haci un donacion na luga di sponsor cada ronchi.

E fondo lo wordo uza pa:

1. Borch digital pa kleuter y scol basico
2. Materialnan pa nos gymzaal cu ta presta nan mes pa e formanan basico di movecion
3. Traha luga na unda kleuter por sinta den sombra.
4. E cura rond di nos scol ta den un situacion de-

plorabel. Esey kiermen cu na e momento aki nos no por garantisa un scol safe y sigur. Un bon cura ta necesario pa un scol saludabel sin peliger durante y despues di scol. Siguridad ta un parti esencial di un scol saludabel.

Ademas ta bay tin diferente actividad cu ta promove e aspecto di salud:

- Zumba di 9.30-10.00or
- Presentacion di Capoeira 10.00 – 11.00or
- Bendemento di un Lunchbox saludabel pa Awg

10,-

- Un rifa cu premionan atractivo
- Musica
- Basketball shootout

Nos por conta cu bo cooperacion ?

Bo persona lo por yuda nos pa trece e proyecto y e caminata di diasabra 26 di october venidero na conocimiento di e pueblo di Aruba en general y di e mundo di enseñanza en particular.

Mon Plaisir Basis- y Kleuterschool ta scolnan piloto, pero e proyecto "E scol saluda-

bel" den futuro lo bay bira un proyecto nacional.

Mas informacion ?

Nos cabesante adunto ta dispuesto pa duna bo persona tur informacion of pa duna un presentacion tocante e proyecto na Mon Plaisir Basisschool y Kleuterschool.

Persona di contacto:

Debby Arends-Gietel Cabesante di Mon Plaisir Basisschool na 582-1748 cu ta number di scol of celular 594-0638. Roy Keulers Cabesante di Mon Plaisir Kleuterschool na 583-6110 cu ta number di scol of na 6620994. □

*Comunicado di Evelyn Wever-Croes*

## Aruba ta hopi insigur, specialmente pa nos yiunan

**ORANJESTAD** - Lider di MEP Evelyn Wever-Croes den conferencia di prensa a duna su reaccion riba e atraco arma diasabra ultimo, den dia cla, y den area caminda hopi mucha ta frecuente pa bay cinema of pa keiro. "Kico nos ta warda pa por actua di berdad? E atraco aki ta muestra claramente e falta di maneho y vision den ultimo 4 añanan", segun lider di MEP

### PLAN DI MEP PA HASI ARUBA MAS SIGUR: PREVENCION

Den e programa di campaña di MEP, cu por cierto a wordo traha pa expertonan local y cu asistencia di agentenan poli-

cial di Panama, e punto central ta PREVENCION, specialmente den area di hotel.

MEP a propone pa pone mas agente policial visibel den e area ey, den dia y anochi. Laga polisnan patruya mas frecuente, y sea na pia, riba bicicleta, den golfcart. En todo caso, na un forma cu nan por ta mas alerta y pa e turista sinti'e mas cerca di e agente policial.. Asina un hende cu mal intencion tambe ta pensa dos biaha prome cu comete un acto asina.

"E coleganan di Panama cu a yuda nos den e plan a comenta cu dia nan a bin Aruba a pasa dos dia sin cu nan a mira un auto di polis, y si un bishitante



bin Aruba cu mal intencion, algo asina ta muestra cu campo

ta liber pa e comete cualkier atraco. P'esey nos mester na

prome luga controla nos fronteranan miho, y na di dos luga traha riba prevencion, specialmente den e area aki di hotelnan, no solamente pa turistanan sino tambe pa nos propio yiunan cu ta bay wak un pelicula.

E efectonan di e mal maneho di Arthur Dowers nos lo keda sinti nan pa hopi tempo ainda, pero desde oposicion nos lo no descansa, nos lo sigui insisti riba nos plan y nos vision, y ohala cu e gobierno nobo por tuma nos ideanan y nos plan, y ehecuta nan pa asina nos haci Aruba mas sigur", segun lider di MEP Evelyn Wever-Croes. □

*Comunicado di Evelyn Wever-Croes*

## Lider di MEP a bishita Juliana School Dependence Hato

**ORANJESTAD** - Diamars ultimo lider di MEP Evelyn Wever-Croes a bishita Juliana School dependence Hato pa pone su mes na altura di e desaroyonan na e scol nobo aki.

E scol ta ubica den un edificio na Hato di cual e directiva di scol a haci un bunita trabou pa ahuste pa por duna les. Lider di MEP a reuni cu adjunct directeur sra. Robin Didder pa intercambia di idea. E meta di e reunion ta pa lider di MEP pone su mes na altura di e situacion na e scol, pa asina por sigui boga desde Parlamento pa e scol nobo MAVO/HAVO bin na Noord. Na e momento ey e intencion ta pa e scol aki muda y bay den e edificio nobo.

E edificio nobo aki mester a keda

cla 2 aña pasa caba, si e plan di gobierno anterior di MEP a continua. Sinembargo e gobierno nobo a sinta, y a para e proyecto di e scol aki na Noord. Gobierno actual a uza e placa den e proyecto di tram, y a lubida riba e scol na Noord.

Aña pasa ainda e gobierno a priminti cu na mei di e aña aki construcion lo a cuminsa, pero ya ta casi 6 luna mas leu y nada ainda di e construcion.

Y si nos analisa awor, ni e proyecto di tram ta cla, ni e scol a wordo construi. "Desde den Parlamento nos lo pone presion riba gobierno pa construi e scol aki mas pronto cu ta posibel, pasobra nos mester crea mas y miho posibilidad di estudio pa nos muchanan. Nos muchanan merece miho", lider di MEP a duna di conoce na prensa. □





## Instituto Pedagogico Arubano (IPA) ta invita publico en general



**ORANJESTAD** - Diasabra dia 16 di november Instituto Pedagogico Arubano (IPA) ta tene su Open dag anual. IPA ta ofrece estudio pa formacion di maestro di scol preparatorio, scol basico y scol avansa. IPA tin mas cu 20 aña for-

mando maestro pa enseñansa di Aruba y den transcurso di aña el a demostra y afirma e necesidad y importancia di e instituto aki. IPA ta cumpli cu e exigencianan di calidad di e organo di acredita di Hulanda esta Nederlands Vlaams

Accreditatie Organisatie (NVAO). E aña academico anterior IPA a entrega su prome diploma cu e cello di calidad.

Durante Open dag lo duna informacion general di e estudio di maestro. Tambe lo tin



presentacion di proyecto di estudiante, les cortico y exposicion di e diferente areanan di formacion di e estudio di maestro pa haya un miho bista riba kico e estudio ta encera. Ademas di esaki lo tin oportunidad pa graduado di Havo, VWO y EPI y otro interesado cu ta cualifica pa aplica pa admision inscribi pa e estudio pa maestro di enseñansa primario di aña academico 2014-2015. Alabes e maestronan cu ta eherce e profesion riba tereno di Movecion y Salud y Enseñansa Special tin oportunidad pa inscribi pa sigui profesionalisa nan mes riba e tereno aki. Di e manera aki IPA ta brinda henter Aruba un dia special di orientacion na IPA.

Tambe lo tin un 'Food & Bake Sale' organisa pa nos propio studiantenan di IPA.

E benta di cuminda aki tin como meta pa recauda fondo pa e Consejo di Estudiante di IPA (SIPA) y pa e studiantenan di aña 3 cu pronto lo biaha pa exterior pa nan pasantia internacional. Ademas di esaki lo tin un mercado di informacion, buki y material educativo na unda diferente instancia y libreria lo forma parti di dje. Publico en general ta bonbini pa asisti na e Open dag aki p'asina cera conoci cu nos instituto, conoce nos facilidadnan y tambe pa haya informacion di kico tur IPA ta haci y ta brinda comunidad di Aruba. IPA ta invita tur estudiante di HAVO, VWO, EPI y tur persona interesa pa cuminsa un estudio pa maestro pa asisti na e Open dag dia 16 di november 2013. IPA su Open dag lo ta di 10or di mainta te 2or di atardi. □

## Diadomingo awo ta tuma luga e 5K NEON Night Run & Walk

**ORANJESTAD** - E ambiente di preparacion pa e grandioso "5K Neon Night Run & Walk" ta den full swing. E actividad ta sali for di Moomba Beach diadomingo anochi. Si bo no a inscribi ainda, esaki ta e ultimo siman cu por inscribi pa participa.

E interes ta hopi grandi pa e actividad ya cu e pakete

regular ta completamente 'sold out', y ta solamente 200 luga tin ainda habri den e seccion di VIP cu ta costa Afl. 30,-. E pakete ta encera cu e participante ta ricibi: 1 tas, 1 T-Shirt, 1 bril, 4 paki di Neon-powder, 1 Lanyard, 6 Glow Stixs, 1 Headband of Wristband, 1 paki di 'Glow in the Dark' cream y 1 Tattoo.

Inscripcion ta tuma luga na IBiSA situa na Frankrijkstraat of IBiSA na Sport Centrum San Nicolas, Sport Caribe of DH Nutrition Center na Ponton. Acudi trempa pa bo no keda afo.

**BUSCA BO PAKETE:** IBiSA ta informa cu e oportunidad pa tur participante pasa busca nan tas cu tur

material ta riba diabierna for di 8:00 a.m. te cu 4:00 p.m., of tambe riba diasabra, for di 8:00 a.m. te cu 12:00 p.m na oficina di IBiSA, situa na Frankrijkstraat 1.

Ta corda tur participante pa bin cu nan recibo di pago cu nan a ricibi na momento di inscripcion.

Diadomingo anochi lo ta un

fiesta di musica, luz, efecto di neon y ambiente riba e ruta cu ta for di Moomba Beach, dilanti di Hotelnan grandi te panort di Amsterdam Manor bin bek.

E ruta lo ta yena di participante pa disfruta di e 'Neon Night Run & Walk'. Wak pa bo no keda afo. □



*Un celebracion unico di La Estrella Joyeria*

# Un cantidad grandi di cliente a celebra y probecha di e 'Golden Party'



**ORANJESTAD-** Durante fin di siman, La Estrella Joyeria tabatin un gran celebracion di nan prome aniversario y a celebra esaki na grandi cu su clientenan y pueblo di Aruba. La Estrella Joyeria ta conoci pa duna tremendo servicio, calidad y variedad di joyas, na un prijs di kita sombre. La Estrella Joyeria, situa na Certified, a atende un cantidad di cliente cu a bin busca algo special pa un ser

keri of nan mes y a probecha di e descuento, cu tabata te cu 35% durante diabierna, diasabra y diadomingo ultimo. Cada cliente cu a drenta a ricibi un glas di champaña pa celebra y brinda cu e staf y personal amabel y profesional

di La Estrella Joyeria y probecha e momento aki, pa combersa cu e clientenan. La Estrella Joyeria ta gradici un y tur, specialmente nan clientenan, pa sigui deposita nan confianza den nan durante nan prome aniversario. □



**MEGAPLEX 8**  
caribbeancinemas.com/aruba

**OCTOBER 24 - 30**

**JOHNNY KNOXVILLE | JACKSON NICOLL**

**BAD GRANDPA**

MON - THURS 8:30  
FRI - SAT 8:30 | 10:45  
SUN & HOL 8:30

MON - THURS 5:00 | 7:15 | 9:30  
FRI 5:00 | 7:15 | 9:30 | 11:45  
SAT 2:45 | 5:00 | 7:15 | 9:30 | 11:45  
SUN & HOL 2:45 | 5:00 | 7:15 | 9:30

**ON TWO SCREENS**

**BRAD PITT | CAMERON DIAZ**

**THE COUNSELOR**

MON - THURS 4:10 | 6:45 | 9:20  
FRI 4:10 | 6:45 | 9:20 | 11:50  
SAT 1:50 | 4:10 | 6:45 | 9:20 | 11:50  
SUN & HOL 1:50 | 4:10 | 6:45 | 9:20

**ROBIN BOISSEVAIN | DORUS WITTE**

**SPIJT!**

WITH DUTCH SUBTITLES [PG-13]

MON - THURS 4:00 | 6:15  
FRI 4:00 | 6:15  
SAT 1:50 | 4:00 | 6:15  
SUN & HOL 1:50 | 4:00 | 6:15

**CHLOE GRACE MORETZ | JULIANNE MOORE**

**CARRIE**

MON - THURS 4:40 | 7:00 | 9:20  
FRI 4:40 | 7:00 | 9:20 | 11:40  
SAT 2:20 | 4:40 | 7:00 | 9:20 | 11:40  
SUN & HOL 2:20 | 4:40 | 7:00 | 9:20

**ALSO SHOWING!**

**ESTYVSTER STALLONE | ARNOLD SCHWARZENEGGER**

**ESCAPE**

MON - THURS 4:00 | 6:30 | 9:00  
FRI 4:00 | 6:30 | 9:00 | 11:30  
SAT 2:00 | 4:00 | 6:30 | 9:00 | 11:30  
SUN & HOL 2:00 | 4:00 | 6:30 | 9:00

**SANDRA BULLOCK | GEORGE CLOONEY**

**GRAVITY**

3D VERSION [PG-13]

MON - THURS 4:50 | 7:00 | 9:10  
FRI 4:50 | 7:00 | 9:10 | 11:20  
SAT 2:40 | 4:50 | 7:00 | 9:10 | 11:20  
SUN & HOL 2:40 | 4:50 | 7:00 | 9:10

**TOM HANKS | BARKHAD ABDI**

**CAPTAIN PHILLIPS**

[PG-13]

MON - FRI 4:00 | 6:30 | 9:15  
SAT, SUN & HOL 2:45 | 6:30 | 9:15

**BILL HADER | ANNA FARIS**

**CLOUDY WITH A CHANCE OF MEATBALLS 2**

3D VERSION WITH SPANISH SUBTITLES [PG]

MON - THURS 4:10 | 6:20 | 8:30  
FRI 4:10 | 6:20 | 8:30 | 10:40  
SAT 2:00 | 4:10 | 6:20 | 8:30 | 10:40  
SUN & HOL 2:00 | 4:10 | 6:20 | 8:30

**STARTING NEXT WEEK, OCTOBER 31 | THOR: THE DARK WORLD**

Download our NEW APP

Palm Beach Plaza | Aruba | 586-0074



## Balor di Kia Motors ta aumenta cu 15% te na 4.7 biyon dollar



**ORANJESTAD**- Kia Motors Corporation a aumenta e balor di su marca cu 15% durante ultimo año pa asina logra e di 83 lugá riba e lista exclusivo di 'Top 100 Best Global Brands', segun estudio haci na 2013 door di Interbrand, e 'brand consultancy agency' mas grandi mundialmente.

Kia a drenta e 'Top 100 Best Global Brands', año pasa na e di 87 lugá, pero a subi desde e dia ey cu cuatro posición pa yega e balor di USD 4.7 biyon. Esaki ta representa un 15% di USD 619 miyon, esaki ta balor di aumento estima riba e ultimo año su balor. Y tambe riba averahe di 100 otro marca, esaki ta duna un crecimiento di 8.4%.

Actividad nan di "strategic brand building" den 2013 a inclui e continuacion y salida di "A Different Beat," un sistema nobo pa identifica e marca cu ta enfoca riba 3 característica: vibrante, inconfundibel y confiabel. E sistema nobo pa identifica e marca, ta ser haci door di Kia su network mundial, interno y externo y tambe a traha caminda pa inicia 'innovative marketing', manera un campaña den colaboracion

cu DreamWorks Animation's "The Croods", un película pa henter famia, pa un launch mundial hunto cu e "all-new Kia Carens MPV".

Tambe a responde na e yamada pa concentra mas riba cliente nan 'young-at heart', door di a forma parti den diferente disciplina deportivo como sponsor mayor por ehempel na FIFA World Cup, Australian Open y NBA. Un enfoque mas fuerte riba mercado digital y social a haci cu awe Kia ta bay experiencia un crecimiento mundial. Durante ultimo añanan Kia su presencia tabata notabel den e mundo digital door di comunicacion innovativo pa yega na su clientela online. Kia tin mas di 250 social media profiles tanto global como local, cu ta yega por lo menos 1.4 biyon persona cu ta tene por lo menos 300,000 combersacion pa dia, y tur relaciona cu Kia, manera comments, sharings, posts y mentions.

E ultimo reconocimiento aki door di Interbrand ta sigui despues cu Kia a wordo recientemente introduci na '50 Best Global Green Brands 2013' di Interbrand na Juni ultimo, den cual Kia Motors



ta sostene posición number 37. Anualmente e 'Top 100 Best Global Brands' di Interbrand su estudio nan ta wordo haci profundamente, door di analisa logro nan di e marca, uzando asina e 'best practice research methodology' door di analista nan experto. Parti nan financiero tambe ta

wordo analisa y pa asina determina e posición cu e marca ta yega na dje.

Topcar N.V. ta un compania local dinamico, agente exclusivo di marcanan di auto Nissan y Kia. Topcar tambe ta ofrece servicio inmediato na su clientenan den ramo di benta, parts y garashi. Su per-

sonal servicial cu experiencia incomparable ta para semper cla pa duna e miho servicio. Pasa Showroom den Caya Ernesto Petronia 21 of yama na 582-4203/5823747 of manda un email [info@topcar-aruba.com](mailto:info@topcar-aruba.com) pa mas informacion of like nos pagina riba Facebook: Kia Motors Aruba. □

*Con pa raporta y controla efectividad di MVO*

## PwC cu lectura den aula di Universidad di Aruba



**ORANJESTAD** - Recientemente PwC a celebra e promocion como doctor di un di su directornan, Dr. Ralf Wieriks RA. Esaki a tuma lugá na luna di mei na Erasmus Universiteit na Rotterdam y diamars PwC Aruba a organisa e presentacion cu Dr. Wieriks na Universidad di Aruba tocante su tesis "The Landscape of Sustainability Assurance – Towards further shaping the assurance approach". PwC y Dr. Wieriks a presenta publico general, pero particularmente comerciantenan y otro accountants e oportunidad pa haya informacion valioso cu a bin dilanti durante Wieriks su investigacion pa produci e tesis. Dr. Wieriks a presenta e contenido di su tesis y a discuti e situacion actual na Aruba, como tambe e diferente pa-

sonan cu un organizacion por tuma.

Durante su investigacion Wieriks a concentra riba kico e responsabilidad di companianan ta den nan comunidad y con nan ta realiza esaki y raporta esaki. Ademas, den su proefschrift e ta describi con accountantnan por controla e rapportnan produci tocante e accionnan di parti di e companianan.

Cu e conocimiento adkiri pa cu con pa controla e documentonan aki, Wieriks a revisa diferente rapport internacional, for di cual a resulta cu e maneho di control ta leu di ta standard y accountantnan tin basta dificultad den e proceso di efectua e control.

Ralf Wieriks (1970) a studia Economia di Empresa y e la bira auditor despues di a finalisa su estudio di post-

Master Accountancy na Universidad di Amsterdam. E tin 20 año di experiencia den e ramo di contabilidad y den su funcion actual e ta director na PricewaterhouseCoopers Dutch Caribbean; e ta na cabes di e asina yama Vaktechnisch Bureau di e departamento di Assurance. Ya pa 12 año caba Wieriks ta dunando les di auditing and assurance na Universidad di Corsou den e programa Bachelor and Master, den colaboracion cu Universidad di Groningen. Den cooperacion cu Erasmus Universiteit, na Rotterdam e ta duna les den e programa di post-Master Auditing di e Inter-Continental University of the Caribbean.

Por bestel e tesis di Dr. Wieriks na [Amazon.com](http://Amazon.com), via di e siguiente site :[www.amazon.com](http://www.amazon.com). □



## POR FAVOR

Señor Jesus Avelino Herrera Caceres pase y recoja sus pertenencias que están fuera de la casa en Alto Vista #31-C le damos 1 dia para recojerlas.



## Di dos cadaver saca for di ruina di edificio cu cay na Medellin



**Medellin, COLOMBIA-** Bomberonan a saca un di dos cadaver di for di e ruinanen di e edificio di 24 piso cu a cay dies dia pasa na Medellin, Colombia.

E curpa sin bida di Alvaro Jose Bolívar a wordo identifica pa medio di su documentonan haya den su saco di

carson.

Te awo, e unico curpa rescata tabata di e estudiante Juan Esteban Cantor, di 22 aña.

Bomberonan ta sigui cu e buskeda di nueve persona aunke ta existi e riesgo di e caymento di un toren cerca di e ruina. □



## Alemania ta sospecha cu Merca lo a scucha yamadanan di Merkel



**Bonn, ALEMANIA-** Autoridadnan di Alemania a bisa cu nan ta sospecha cu e agencianan di inteligencia di Merca a scucha yamadanan di celular di e canciyer Aleman Angela Merkel.

Un vocero di gobierno a confirma cu Merkel a papia cu presidente Barack Obama pa existi un splicacion completo inmediatamente tocante e asunto aki.

E vocero a agrega cu e can-

ciyer a laga bon cla cu e interferencia di su yamadanan telefonico lo ta completamente inaceptabel ademas ta kibra e relacion di confiansa entre amigo y aliadonan.

Un vocero di Cas Blanco a bisa cu Presidente Barack Obama a sigura na Merkel cu Merca no tabata scuchando su yamadanan telefonico. Washington ta enfrentando tambe acusacionnan similar di parti di Francia y otro aliadonan. □

*Ride, Walk, Run for the Roses*  
By Karingin Wilhelmina Cancer Foundation

Time: 7:00 am till 11 am **ROUTES** Sunday Oktober 27 2013

**Walk & Run:**  
Alhambra - Phoenix - Alhambra 5km

**Bike:**  
Alhambra - Phoenix - Alhambra 6km  
Alhambra - Lighthouse - Alhambra 20km  
Alhambra - Lighthouse - Alto Vista - Alhambra 30km  
Alhambra - Lighthouse - Alto Vista - Natural Bridge - Alhambra 45km

• Entertainment: Dino Jump, Zumba & more...

• Contribution & T-shirt :  
Afl. 15,-

**PLACES OF REGISTRATION:**

- DRAGON C.D. (SAN NICOLAS), • BOTICA ALOE (SAVANETA)
- TRI BIKE ARUBA (ST. CRUZ)
- RADIO SHACK/THE BIKE SHOP (ORANJESTAD)
- BOTICA SANTA ANNA (NOORD)







## Polis di Merca ta mata mucha di 13 aña

**California, MERCA-** Polis di e ciudad di Santa Rosa, den e Norte di California, Merca a tira un mucha di 13 aña mata, pa motibo cu e mucha tabata tin un imitacion di rifle di asalto den su poder. Dos comisario di Sonoma a wak e hoben canando cu loke nan a kere tabata un rifle di asalto y segun e oficial Dennis O'Leary, a duna ordo varios biaha pa tira e arma, cu nan a kere tabata di berdad abao. E hoben no a haci esaki. E polis a los tiro riba dje.

Ora cu e hoben a cay abao, e comisarionan a boei su man, na mes momento cu nan tabata dune e prome auxilio. Pero e hoben a muri eynan. O'Leary a informa tambe cu nan a haya un pistol di plastic na su cintura. No ta cla si e rifle di hunga tabata tin e capacidad di tira bala of otro proyectil. Tata di e hoben, Rodrigo Lopez, a bisa cu e victima tabata su yiu homber, Andy di 13 aña y cu e arma tabata pertenece na un amigo. □

## Rusia ta laga acusacion di pirateria cay

**Moscu, RUSIA--** a laga e acusacion di pirateria contra di e personal di e barco di Greenpeace Artic Sunrise cay. Esey e oficina di media Rusiano Interfax a anuncia ayera. E comision di investigacion ta clasifica e accion di e activistanan no mas manera pirateria pero como vandalismo. Pa pirateria tin un castigo maximo di prizon di diescinco aña na Rusia. Riba e acusacion tabata tin hopi critica tanto nacional

como internacional pa motibo cu no tabata mira ningun motibo valido pa e acusacion di pirateria.

E barco Artic Sunrise cu ta nabega bou di bandera Hulandes a wordo deteni pa autoridadnan Rusiano, na september ultimo, despues di un accion di protesta na e plataforma di bora petroleo Gazprom den e lama Petsjora. E trinta nabegantenan di cual dos ta Hulandes ainda ta preso. □



## Prince George di Gran Britania a celebra su bautismo



**London, GRAN BRITANIA-** Prins George, di tres den e liña di sucesion di trono Britanico, a wordo batista door di arsobispo Canterbury den un ceremonia priva na London. Den un trahe di canchi color crem, George, di

tres luna di edad a wordo hiba door di su tata pa e Capia real di e palacio di St. James. Na e ceremonia tabata presenta solamente personanan mas cerca di famia Real como tambe amigonan intimo di William y su casa,

Catherine. Entre e shete padrinonan tabata Zara Phillips, prima di William y jinete Olimpico. E ceremonia tabata uno tambe di bon bini na George na e Iglesia di Inglatera, di cual e lo encabesa ora cu e bira rey. □

## Berlusconi un biaha mas dilanti mesa berde

**Roma, ITALIA-** E ex- prome Minister Italiano Silvio Berlusconi a ricibi un citacion pa wordo husga un biaha mas. E biaha aki ta pa a purba cumpra un miembro di Congreso.

Ta wordo calcula cu Berlusconi a paga Sergio de Gregorio 4.13 miyon dollar pa esaki a uni su mes na e partido di Berlusconi poco despues di eleccionnan di 2006. Esaki a contribui na tumba e gobierno di Romano Prodi dos aña despues.

De Gregorio ya caba ta cumpliendo un sentencia di 20 luna pa su participacion den e fraude aki. Berlusconi a wordo acusa frecuentemente pa su oponentenan di compra di voto, pero esaki ta prome biaha cu e ta ricibi un citacion oficial relaciona cu e delito aki.

Ya caba el a wordo condena pa paga pa tene relacionnan sexual cu un prostituta menor di edad, abuso di poder y keda sin paga impuesto. E ta cumpliendo un sentencia den aresto domicilio. □







Competencia di landamento  
sincronisa



Pagina B2

Roger Federer tin oportunidad  
di hunga den ATP



Pagina B6



# “De Barracudas Synchro Aruba” cu competencia di ASU AGE Group Figure

## ORANJESTAD

— Diadomingo pasa, 20 di october e club di landamento sincronisa “The Barracudas” tawatin su competencia anual como parti di e “ASU Olimpiada” Diadomingo mainta tur atleta mester a presenta 4 figuran tecnico un pa un pa locual nan a ricibi punto entre 1 pa 10. Tawatin un panel di 4 juez, y

mester menciona cu tambe tawatin 3 Hues di practica. E resultadonan di e figuran den diferente categoria ta: Figures beginners: 1. Meghan Tromp 2 3.4. Zury Ruiz 5. 6. 7. Jolina Dedier 8. 9. 10. Figures 12 and under: 1. Victoria Geurts 2. Kainah Croes 3. Zuriene Dabian 4. Meghan Tromp 5. Nakeisha Jacobs 6. Jasiliene Schmidt

7. Sara Vidal Castano 8. Chante Martis 9. Sarah Silva 10. Janelly Piña 11. Dominique van Daal 12. Carolina Alvarez 13. Angelina Harmoen

Figures 13-15: 1. Abigail de Veer 2. Isabella Noguera 3. Anastasia van Daal 4. Barbara Gomez 5. Nathania

Riley 6. Rizhaylee Bello 7. Livanca Ras 8. Valeria Muñoz

Figures 16-18: 1. Alexandra Mendoza. Open Technical Elements: 1. Nikita Pablo 2. Nathania Taylor

Despues di e competencia a tuma luga e ceremonia di medaya, y sra. Nicole Hoevertsz tawatin e honor di a haci e entregamento di esaki.

Esaki tawata e prome competencia pa e temporada 2013-2014 y ta forma parti di diferente evaluacionnan di e atletanan pa asina na final di december lo por traha e seleccion pa e competencia nan pa proximo aña.

Un di e competencianan grandi cu tur aña Aruba ta participa na dje, lo bay tuma luga na Aruba mes, esta “CARIFTA 2014” durante luna di april. Durante CARIFTA ta competi den 3 disciplina di landamento esta landamento sincronisa, landamento y “Open Water” cu ta distancia largo den lama. □



## RCA lo enfrenta Britannia den e final di Copa COCA COLA

ORANJESTAD - SV RCA cu ta na caminda pa celebra 80 aña na februari proximo, tin un cantidad di exito, titulo y historia. Pero desde e milenio nobo e tri-color nan tin un rival cu a promove pa Division Honor y a logra sobresali aña den aña afo den e categoria maximo, pero tambe den full su organisacion

di futbol infantil, hubenil y femenino. Esaki ta haci cu RCA y Britannia na cada encuentro ta un clash di Gigante. RCA tin un dominio pa locual ta e ultimo 2 aña nan, pero a cay venci den final Copa Betico na januari ultimo. Despues cu diadomingo anochi RCA ta derota Riverplate 4-1 cu “hat

trick” di Juan Santos, diasabra awor lo ta un otro final un otro bataya un otro Copa cu e dos grandi nan lo bay disputa. Directiva di RCA ta haci un yamada na su masa tricolor pa yega stadion Guillermo Prospero Trinidad na Dakota diasabra anochi 26 di october pa apoya nan soldaat nan cu a habri e campeonato aki cu ra-

cha di victoria. Un ekipo bon balansa cu hopi hungadonan hoben y experencia ta dominando y creando tur oportunidad pa sali victorioso den cada encuentro. Programa AVB Coca Cola Cup ta start diasabra 4’or di atardi. Entrada pa e Gran Final aki ta solamente Awg 5,00 y ta completamente

gratis pa muchanan bou 12 aña acompaña pa un adulto. E fanaticada tri-color cu ta sinta pabou / pazuid na banda di bishitante, lo tin un flatscreen pa wak e wega di World Series cu nos astro Arubiano “Bogie” den accion y tambe grupo di tambor pa tene ambiente bibo. □



*Cu meta pa recauda fondo*

## Fundacion Juan Pablo Duarte lo tene caminata

ORANJESTAD - Fundacion Juan Pablo Duarte lo ta organisando un caminata pa por recauda fondo pa e fundacion. E Caminata lo ta di un distancia di 5KM. E caminata lo tuma luga dia 10 di november cuminsa pa 5pm saliendo for di Plaza Juan Pablo Duarte. Na e sede di e fundacion situa na Dakota tur esunnan cu kier participa por haya ticket cumpra pa 15 florin cu lo consisti di un flanel pa e caminata di 10 di november binidero. Tambe nan ta haci un suplica na comunidad y comercio pa contribui cu e fundacion paso necesidad ta hopi pa cumpli cun’e. Pa mas informacion por yama 5825890 of 5920533 of por acudi libremente na nan sede na Avenida Milo Croes 35A.

Tambe nan tin un number di cuenta na RBC cu ta 4473094. Esunnan cu ta desea di duna cualkier donacion ta bon bini, ya cu esey lo yuda e fundacion. Durante e caminata nan lo tin cuater grupo uniforma cu tambe lo cana hunto cu nan. □



# Aruba Triathlon Association a organisa Guardian Group Sprint Triathlon na Boca Catalina



Kenneth Leest y Giovanni Croes den un tempo di 1:24:26.

## Kids

E grupo di Kids a landa 375 meter, core un distancia di 10 kilometer riba bais y despues continua cu un careda na pia di 2.5 km.

Den categoria te cu 11 aña: Prome luga Giannon Eights (37:31) y na di dos luga Daaf Plomp (39:50) y na di tres luga Declan Tham (50:50). Categoria 12-14 aña.



**ORANJESTAD** - Den totalidad e tri-atletanan mester a landa 750 meter, core un distancia di 20 km riba bais, y sigui e careda na pia. E ruta di ciclismo tawata e buelta entre Malmok y Bakval. Pa loke ta e careda na pia, esaki a tuma luga entre Boca Cathalina y Arashi. Polis motorisa a controla e ruta di ciclismo y na pia. Overall Masculino

Den categoria Overall Sprint Masculino, Renze Postma ta gana den un tempo di 59:51 Na di dos luga a keda Justice Dreischor, 1:08:32 y na di tres luga a keda Lucien Dirks, 1:09:25. Overall Femenino Den categoria Overall Sprint Femenino, Oriana Thielman ta gana den un tempo di 1:22:34. Na di dos luga a keda Sandra Postma den un tempo di 1:22:35.



## Relay Open

Prome luga pa e team di Amanda Morales, Nathaniel Knikker y Emigdio Montnez den un tempo di 1:07:32. Na di dos luga e team di Carolina Perez, Jurgen Henriquez y Anthony Werleman den un tempo di 1:09:13. Na di tres luga e team di

Tawatin un participante: Benay Statia y el a caba e careda den un tempo di 39:09.

## Relay Kids

Prome luga e team di Malcolm Hamen, Jair Kelly y Endino Gieske den un tempo di 36:08. Na di dos luga e team di Britney Lobo y Joshua Krozendijk den un tempo di 37:27.



## Gradicimento

A.T.A. kier a gradici su sponsornan: Guardian Group, Powerade, Malta Balashi y Subsidie Commissie cu a haci e evento aki posibel.

Tambe na ASU cu a percura cu tur participante por a haya un medaya di participacion. Un danki di curason ta bay pa

tur nos boluntarionan, polisnan, medio na prensa y tur persona cu a bin apoya e atletanan e mainta trempan ey.

Ta topa bek pa e ultimo evento di Aruba Triathlon pa aña 2013 cual lo ta e Guardian Group Off Road Triathlon Nacional, dia 10 di november 2013 na Arashi pa 7'or di mainta. □

# RCA ta gana Nacional/Washington den futbol infantil



**ORANJESTAD** - Futbol infantil a continua den e fin di siman tras di lomba unda e ekipo tricolor di RCA y esunnan di Alto Vista, Nacional/Washington a topa otro na Solito. Den e prome partido valido pa e categoria di baby, RCA

a gana Nacional/Washington cu e score di 3-0, e golnan tricolor a wordo anota pa Bernard Smolder 2 y Gionne Davelaar 1.

Despues a sigui cu e wega den Lifida A. Aki un biaha mas RCA


no ta comete eror, unda nan ta gana Nacional/Washington cu e score di 4 - 2, Jahiem Stamper y Juan Perez Villagara.

E wega den mini baby no a sigui pa motibo cu e carnet di Nacional/Washington no tabata cla. □



# Olimpiada di ASU cu e prome Campeonato Nacional di Karate Kumite

**ORANJESTAD** - Dojo Materano, Dojo Yamazaki y di WSKU-Aruba a participa. E Campeonato Nacional tabata un gran exito. Aruba Karate Bond ta hopi contento cu e bon sosten di representante di ASU, COA, Rode Kruis Aruba, Ryobukai Aruba, WSKU-Aruba y e mayornan. E palabranan di motivacion pa e karateka door di señora mr Nicole Hoevertsz representante di COA a wordo hopi aprecia. □



## Receta di MAMA Bon Appetit!




• BON APPETIT • BON APPETIT • BON APPETIT • BON APPETIT •

## Beef Oriental

### Ingredientenan:

- 1 paki di frozen broccoli
- 1lb. di biefsteak
- 4 cuchara grandi di oyster sauce
- 2 cuchara grandi di azeta dushi
- 1 bleki di water chestnuts (8oz.)
- 1 theeleep di salo
- 1 theeleep di suco
- ½ cupouillon di galiña
- 2 theeleep di cornstrach
- 2 theeleep di soy sauce
- 2 cuchara grandi di awa



### Preparacion:

Kibra e pida ariba di e broccoli y slice e pida di abao. Herbenan pa 3 minuut. Skoreanan. Corta e carni na pida chiquito y fini. Den un ckonchi combina e oyster sauce, salo, suco y bouillon. Den un otro comchi mezcla e cornstarch cu e soy suace y awa pa e bira manera un pasta. Keinta e azeta den un panchi of wea di hero. Agrega e carni y hase bruin mientras ta drei e. Agrega e broccoli, water chestnuts y e mezcla di oyster sauce y keinta tur hunto liher. Drei e pasta di cornstarch aden pa e saus bira diki y sirbie mes ora cu arroz.

Pa 4 persona

| Categoria                                      | promer luga         | segundo luga        | tercer luga       |
|--|---------------------|---------------------|-------------------|
| Femenino, faha blanco - biña, edad 8 -10 aña   | Glendeline Croeze   | Hui Li Xie          | Angele Thode      |
| Femenino, faha hel -oraño, edad 11-15 aña      | Larisse Saint Cyr   | Migelou Boekhout    | Monica Bremono    |
| Femenino, faha blanco - biña, edad 11-13 aña   | Tanesshka Boekhoudt | Danieb Cruz         | Surien Hereira    |
| Femenino, faha blauw-maroon, edad 11 aña       | Nayah de Graf       | Isabel Thode        |                   |
| Femenino, faha oraño - preto, edad 13-17 aña   | Chantal Ellis       | Isaura de Graf      | Jarlenne Werleman |
| Masculino, faha blanco - hel, edad 8-10 aña    | Gerson Frank        | Dilan Helgers       | Julian Hamoen     |
| Masculino, faha oraño - biña, edad 8-10 aña    | Ryan Rangel         | Zillion Bruges      | Carlson Boezem    |
| Masculino, faha berde - blauw, edad 8-10 aña   | Leonardo Vivas      | Alejandro Gonzalez  | Nasib Bislip      |
| Masculino, faha blanco - geel, edad 11-12 aña  | Jaden Boekhoudt     | Jan Michael Helgers |                   |
| Masculino, faha berde, edad 11 aña             | Medwin Werleman     | Seandrick Lampe     |                   |
| Masculino, faha oraño - biña, edad 11-12 aña   | Joshua Martis       | Jean Carlos Anfaró  |                   |
| Masculino, faha biña - blauw, edad 12-14 aña   | Marck Borre         | Kevin Lugo          | Manuel Lopez      |
| Masculino, faha blanco - oraño, edad 13-14 aña | Brian Malca         | Joel Rodriguez      | Nestor Underwood  |
| Masculino, faha berde - maroon, edad 13-14 aña | Jose Lozano         | Terrick Croes       | Mathew Brown      |
| Masculino, open                                | Jose Lozano         | Eugene Croes        | Kevin Lugo        |





*Xander tin tur e “makings of a champion”*

# Vision den deporte ta pa mira hobennan na top di nan carrera mundial y como role model



**ORANJESTAD** - Dialuna nos astro di baseball Xander Bogaerts a pasa un dia cu Minister di Salud y Deporte, dr. Richard Visser, cual a inclui un bishita special na Fenway Park, cual ta e stadion di Boston Red Sox na Boston, Massachusetts pa un tour. Aki Minister Visser a cera conoci cu diferente colega y coach di Xander y tur persona cu el a papia e mandatario tabata bisa cu nan ta spera hopi cos di Xander, expresando nan admiracion pa su actitud y dedicacion.



E vision cu tin den deporte awo ta di mira nos hobennan na top di nan carrera mundialmente y bon estableci como role modelnan positivo pa nos muchanan ta sigui den su curason. Ora Xander a capta atencion den Major League Baseball, demostrando un talento fabuloso e mandatario a dicidi cu no tin otro forma di felicita Xander si no ta personalmente, na e ciudad cu a brasa nos hoben campeon cu asina entusiasmo, unda su nomber ta resona como un “household name”.

No ta solamente Minister Dr. Richard Visser, pero hopi hende a keda hopi impresionado pa e hoben cu tanto madurez

ta desaroyando su carera den Major League Baseball, pero specialmente a gosa su entusiasmo pa cu tur locual e ta experienciando e ultimo simannan cu a pasa. Canando den Fenway Park, tras di “Green Monster”, na e area di e “batting cages”, y mas, como dos fanatico grandi di deporte, nan combersacion tabata ameno. Nan a papia tocante su tempo na Aruba, su recorrido pa Minor Leagues y con e ta sinti awendia como un Major Leaguer. Xander a comparti su prome experiencia hungando den e stadion di Dodgers, unda cu el a drenta e stadion cu ta nobo y suma-



mente grandi y ta bisa cu el a sinti cu e no mester ta eyden y miho nan ponch’e di biaha ya e por bay bek den e dugout.

centra su mes riba e parti spiritual tambe. Xander tin tur e “makings of a champion”.

“Mi no tin ningun duda cu e mucha homber aki lo logra algo grandi mundialmente,” Minister dr. Richard Visser a subraya.

Minister Visser a expresa su bon deseonan, pero specialmente su sosten y palabranan di admiracion y motivacion pa Xander su trabao duro. E mandatario a hiba pa Xander e mensahe di henter Pais Aruba cu nos comunidad ta stim’e, tur hende ta emociona cada biaha su nomber resona y cu di tur skina ta resona palabranan di hopi respet pa su talento y dedicacion. Aruba ta orguyoso di e logronan di Xander, y ta desea e hungado exito den su careda. □



Minister Visser a subraya cu loke Xander a haci, su exito y hazañanan internacional ta algo historico pa Xander mes, pero tambe pa Aruba. Nan a papia tocante con Xander ta sinti, e yabi di su exito, su mama, tata y famia, como tambe tur hende cu a yud’e. Xander ta un hoben respetuoso, kende sa kico e kier, ta enfoca, tin su meta su dilanti, tin disciplina, ta traha masha duro continuamente y ta con-





# John Jairo Maduro ta gana dos desafio mas na Brasil

**Sao Paulo, BRAZIL** - E atleta di Tiger Teakwondo Academy, John Jairo Maduro a vence dos desafio mas den e fin di siman cu a pasa. E pelea a tuma luga na un Shopping Avenida Center na ciudad di Dourados na e estado Brasileiro Do Mato Grosso Do Sul. Na e prome pelea el a enfrentando e titular di e estado den categoria 58kg, e Arubiano a tuma un scop na cara di biaha despues di cuminsa e pelea y a want'e atras den e punto te na e final di e segundo rond ora e Arubiano a debilbe un scop na cara cu un bunita anticipacion cu su pia dilanti.

"Mi no a spera di sali atras den e punto y mi a desespera un tiki na e comienso, mas na e segundo rond mi a bin bek mas calma y ma logra pone mi ritmo tactico for-

sando mi adversario ataca pa asina ami por contra ataca", a afirma e atleta. E pelea a caba na tempo normal 4x4 y e pelea a sigui pa golden point unda e Arubiano tabata mas ofensivo ful e rond y e la gana pa superioridad pa decision di referee. Na e di dos pelea, cu mudanza di adversario, John Jairo a enfrenta e titular di un categoria ariba (-63kg) pero e no a intimidar. Inmediatamente uzando cu mayor frecuencia su pia robes den e pelea, John Jairo a probecha di su explosion y a logra marca 3 punto ora e la scop cu su pia drechi e cara di su adversario habriendo e scoreboard.

Mas fuerte cu e Arubiano, e Brasileiro a purba impone su ritmo di pelea y asina a logra marca un scop na cara den clinch, mas John Jairo a mus-

tra su strategia di bringa den defensivo y a sigui e pelea den forma ofensivo pa no permiti su adversario pa ataca. "Mi a cera den mi training y mi a caba epelea cu energia pa haci un di tres pelea. Mi ta hopi contento cu e resultado a pesar di a nota cu mi tin un par di cos pa traha riba dje", a afirma. Proximo campeonato di e Arubiano lo ta e final di Bad Boy Open-The Show, cu lo wordo realisa di 10 di november na Ciudad di Valinhos, estado di Sao Paulo. Su adversario ta e actual campeon Brasileiro universitario den categoria di 63kg.

E campeon lo hiba cas un premio di mil real. E proximo pelea, John Jairo lo bay presenta Aruba den e weganan Sur Americano na Chile nos lo desea John Jairo exito. □



## Cu e derota di Richard Gasquet den tennis Roger Federer tin oportunidad di hunga den e Final di Circuito Mundial di ATP



**Basilea, SUIZA** - Richard Gasquet a perde ayera den e prome rond di e torneo bou dak di Basilea y a laga caminda habri pa Roger Federer te na e Final di Circuito Mundial di ATP entre e ocho miho di temporada.

E Frances a perde contra su compatriota Michael Llodra cu e scorenan di 6-4 y 6-2. Gasquet ta na di ocho luga den e clasificacion mundial y Federer na di shete. Door di a perde, di otro banda, e Frances a laga scapa un bon ocasion di aleha di Jo-Wilfried Tsonga, kende ta na di nueve luga y no a hunga e siman aki pa reserva pa e Masters di Paris di otro siman.

Ademas di Gasquet, otro dos hungado cu ainda ta luchando pa un luga den e Final di ATP na London a cay afo den e prome rond na Basilea, esta Tomas

Berdych y Stanislas Wawrinka. Federer mester a hunga ayera den oranan di mas laat den e di dos rond, mescos cu e Argentino Juan Martin del Potro, cu ta number uno den e serie. □



## Lindsey Vonn cu ta ski ta regresa otro luna

**Colorado, MERCA** - Lindsey Vonn, kende ta recuperando di un operacion di su rudia drechi, a dicidi di no competi den e prome prueba di e temporada di ski cu lo ta tumando luga di asabra awo na Austria, pero a bisa cu lo regresa otro luna.

Vonn ta entrenando na Soelden desde un siman atras. E lo regresa na e actividad durante e pruebanan di Beaver Creek Colorado, entre 29 di november y 1 di december.

"Mi ta sinti bon, pero mi a dicidi di no competi e fin di siman aki y mi ta

regresa na Beaver Creek. Mi ta confia cu e luna adicional di entrenamiento lo laga mi enfrenta e temporada cu miho posibilidad di tin exito," segun Vonn. Vonn a kibra dos ligamento di su rudia durante un caida na Schladming e temporada anterior. E Mericano, campeon olimpico di bahada y cuater biaha ganado di e Copa Mundial, ta spera di ta den su miho forma pa e Weganan Olimpico di Sochi cu lo tuma luga na luna di februari. Vonn, kende ta pareha di e hungado di golf Tiger Woods, tabata entrenando na Portillo, Chile, den luna di augustus. □





*Futbol Liga Europeo*

# Tottenham tin oportunidad di clasifica pa di dos rond

**Tottenham, INGLATERA** – E team di futbol Tottenham, evidentemente no ta haya hopi falta di Gareth Bale, por ta e prome team clasificado di e di dos rond di e Liga Europeo awe si nan gana Moldavia Sheriff y Anzhi Makhachkala keda empata cu Tromso.

Algun biaha un team ta sigura e clasificacion despues di tres fecha, pero e Inglesnan por haci caso di gana y cu no tin un vencedor den e otro duelo di e Grupo K. Tottenham tin seis punto despues di sali triunfado den su prome dos weganan, mientras cu Sheriff tin dos punto. Anzy y Tromso ambos tin un punto.

Otro ocho team a gana nan prome dos weganan, inclui Sevilla y Fiorentina, y nan lo ta un pia den e siguiente rond si nan bolbe gana. □



*Copa Mundial 2014*

## FIFA a wordo demanda na Brazil pa gastonan di stadion

**Sao Paulo, BRAZIL** – Fiscalnan Brasileiro a demanda FIFA pa paga bek e fondonan publico gasta den e structuranan temporal di e stadionnan cu lo ta e sedenan di e Copa Mundial di otro aña. E fiscalnan di cinco estado a bisa di ta buscando pa e 106 milyon di dollar wordo paga bek. Nan ta sigura cu e placa ey a wordo gasta den e structuranan temporal di e stadionnan durante e Copa Confederacion, torneo cu a sirbi como preparacion pa e Mundial. E fiscalnan a bisa cu debi na e structuranan no ta sirbi e interes publico, e contribuyentenan Brasileiro no mester paga pa nan. FIFA a bisa den un comunicado ayera cu e pago di e structuranan complementa ta responsabilidad di e doñonan di stadion y no di FIFA. □

**BON DIA** *Aruba*

**Tira bo sushi den bari, tene Aruba limpi...**







**20 aña!**

Pagina B12

Festival di Buki1



Pagina B9

Sumamente gradicido!



Pagina B15

Awe nos  
seccion  
Muhe!



Pagina B16



*Pa festival di buki pa mucha*

## Contado di cuenta, Kathleen Thielman, ta bishita scol



**ORANJESTAD-** Biblioteca Nacional Aruba ta contento di por presenta Kathleen Thielman, autor Boneriano riba e programa di e Festival di Buki pa Mucha 2013. Kathleen a skirbi e cuenta: 'Bito ku su bala di leter'. Kathleen a traha mas cu 10 aña como maestra di prome ciclo na Colegio Cristo

Bon Wardado na Boneiro. Kathleen a duna les na mucha di kleuter y tambe na mucha di 1e y 2e klas. Kathleen ta gusta traha cu mucha y e ta gusta duna les y ta traha tur dia cu hopi smaak. Kathleen tin su mes programa di mucha tur diasabra na radio Energia 'E koto di alegria' cu ta pa e curason di mas chikito te cu



esun di mas grandi. E ta hopi contento cu e invitacion pa e Festival di Buki pa Mucha na Aruba. Su presentacion pa e siman di buki ta bay ta un cuenta hopi leuk. Un cuenta den forma di drama, cantica y movecion cu popchi. Kathleen a skirbi e cuenta en conexion cu e tema di siman di buki. E nomber di e cuenta ta: 'Bito cu su bala di letter'. Bito ta un mucha homber cu tur dia su mama ta papia cun'e pa e tene su mes na reglanan den futbol, pero semper e ta wordo persigui door di otro muchanan den e wega cu cos ta sali for di man. Tur wega ta bira un desordo. Si bo kier sa kico ta pasa cu Bito keda pendiente. Kathleen su deseo

ta cu hopi mucha cera conoci cu e cuenta y con su persona lo trece esaki dilanti. Den siman di 1 pa 8 di November e grupo di escritor y contado di cuenta lo bishita 65 scol cu presentacionnan atractivo y diverso. Pa muchanan cu no

ta haya un bishita di autor na scol tin un programa di actividad na biblioteca merdia. Tur mucha ta invita pa e fiesta di apertura diabierna dia prome di november dilanti biblioteca pa 5 or di atardi. Tur actividad ta gratis. □

*Heineken Green Village 2013*

## Introduciendo Heineken U-Code

**ORANJESTAD --** Un gran multitud di hende ta atende Green Village tur aña pa pasa un rato ameno y disfruta di bon musica. Y e aña aki Heineken ta bay crea un manera nobo pa esunnan cu lo t'ey por crea conexionnan cu hendenan nobo y conoci... introduciendo Heineken U-Codes.

Bishitantenan di Green Village e aña aki lo por crea nan propio mensahe riba un QR code. Na nos Heineken U-Code tent bo lo por print bo mensahe riba un sticker y peg'e na bo T-shirt. Pa descifra e mensahe tur otro hende por uza nan telefon pa scan e codigo. E Heineken team ta spera cu e Heineken U-Code lo sirbi pa crea combersacionnan cu hende nobo y crea un experiencia cu un y tur lo por disfruta di dje. Nos ta curioso pa wak ki mensahenan boso nan ta bay inventa. □

**Heineken**  
**U-CODE**

COME EXPERIENCE IT @  
**GREENVILLAGE 2013**  
MAINSTREET SAN NICOLAS | NOV 2 @7PM

My Island  
My Heineken





-By: Dr Carlos Viana

Si diripiente bo a haya dificultad pa hala rosea y ta sinta preta den pecho y ta inclui tosamento, esaki ta ser describi dor di e Griego nan como "azien". Esaki ta e palabra di cual ta deriva asma. e sintoma nan aki ta ser considera un malesa di e sistema respiratorio y tin biaha ta ser causa dor di alergianan tin dos tipo di asma, extrínscico y intrínscico. Asma Extrínscico ta causa dor di alergianan cu ta afecta e pulmon, cuero, e membrana mucoso. Asma Intrínscico no ta stimula e sistema inmunológico di e curpa y ta reaccion nan na cosnan manera biento friu, ehercicio, infeccion, inflamacion cronico, estado nan emocional y holo nan iritante.

Aproximadamente 34 miyon Norte Americano a ser diagnostica cu asma, y e cifra aki ta di spera di subi dramáticamente. Segun e Centro pa Control di Malesa (CDC) na Merca asma ta "mas cu un malesa mas severo cu prome nan aya". A pesar di droga nan moderno pa su tratamiento; di 1982 pa 1992, e mortonan relaciona cu asma na Merca a aumenta cu un 35 %. E estadistica nan aki no ta nada elocuente pa e gigante nan fabricante di farmaceutico nan ni pa dokter nan convencional.

Mucha nan mas jong cu 10 año di edad ta esunnan cu ta sufrir mas hopi di asma. Investigadonan medico a demostra cu muchanan bou di 3 año cu ta haya inenting pa griep di nani-shi ta den riesgo mas halto pa desaroya asma den poco siman

despues di a ser vacuna. Investigadonan na Finland a haya sa cu mucha nan cu a nace dor di uza e metodo moderno di medicina ta core un riesgo hopi mas grandi di desaroya asma cu mucha nan cu nace segun e metodo natural. baby nan cu nace dor di cesarea tin un 38% di incremento mas halto di desaroya asma, extraccion cu vacuum un 32%, y haya yiu uzando forceps un 114% di incremento. Profesionalmente, ami ta encurasha mamanan cu ta den espera cu ta saludabel pa uza un partera y ta promove tur muhe nan cu tin e posibilidad di cria baby cu pecho mas tempo posibel. Esaki ta e cos unilateralmente mas importante cu un mama por haci pa su yiu. Introduciendo otro lechi cu no ta lechi di pecho na baby nan mas jong cu 4 luna ta incrementa e riesgo di haya asma y ta predisponer e baby na cierto alergianan. Baby nan cu ta ser alimenta cu lechi na boter prome cu nan tin 4 luna bieu tin 25% mas posibilidad di ser diagnostica cu alergianan en comparacion cu baby nan cu solamente ta ser alimenta cu lechi di pecho durante nan prome luna nan di existencia. e temporada di cria cu lechi di pecho so ta menos importante, aunke mas largo bo cria bo yiu na mucho menos posibilidad di asma y alergianan. tin. Problema nan respiratorio durante infancia, incluyendo asma, por ta gelink na inhalacion na cierto kimico nan cu ta ser emiti di bruki nan desechabel. estudio nan realisa a muestra cu e emision di kimico di algun bruki tin efecto riba salud di cierto animal y hasta morto. bruki nan di catuna awo ta bin den un forma conveniente pa haci limpi y estilo di uzo, asina ta no tin ningun excuus pa no bay natural. den actualidad ta hopi sabi pa evita kimico nan mas tanto cu ta posibel. Lesa e labels nan di e producto nan bo

ta uza pa bo yiu, pa haci curpa limpi y cu bo ta uza pa haci bo cas limpi. scoge producto nan cu no ta toxico y ta bio degradable, y no laga nan gañabo cu e propaganda "natural". Natural por ta un parti chikito den un producto cu ta yen di di aditivo nan no natural.

Un otro problema grandi cu problema nan respiratorio ta mucha nan cu ta biba den un cas na unda tin adulto ta huma sigaria of siga ta haci nan hopi mas delicado pa haya infeccion nan respiratorio, incluyendo infeccion di horea y garganta. Pa nos suerte tin hopi oficina y luganan publico cu awo ta smoke-free, pero a pesar di esaki nos ta haya hopi adulto cu problema nan respiratorio cu ta traha den ambiente nan yen di huma. Esaki no ta e unico factornan cu ta relaciona na problema nan di rosea. Nos sa cu antibiotico nan ta relaciona na asma y alergianan y den hopi di e caso nan ta responsabel pa produccion di mucosa y problema di hala rosea. Un estudio Canades a haya sa cu mucha nan cu ta ser trata cu antibiotico prome cu un año di edad ta dos biaha mas susceptibel pa desaroya asma durante nan infancia. Estudio nan realisa ta sugeri cu e uzo di antibiotico y otro tipo di droga por afecta e manera den cual e sistema inmunológico ta traha. Experto nan ta kere cu e antibiotico ta mata e bacteria beneficoso den e intestino y esaki ta haci cu e curpa ta cambia e manera cu e ta reacciona ora di enfrente cierto malesanan. Mayoria di caso nan leve di asma no ta manifesta nan mes ta ora e pulmon nan ta comprometi cu un infeccion viral den e parti halto di e pulmon. antibiotico no ta combati virus. ami ta recomenda uza awa di lama y solo como terapia pa combati virus.

Mayoria di hende, incluyendo dokter nan no ta consciente of

ta mal informa ora ta trata di e impacto profundo cu nos manera di come tin riba mayoria di alergianan. Nos a mira pashent nan mehora dramaticamente cu cambio nan dietetico estricto. lechi di baca, incluyendo e formula di lechi pa baby ta un di esnan mas ofensivo, cu ta responsabel pa e produccion di mucosa. Como un Nutricionista clinico, despues di elimina mayoria di producto di lechi di e dieta di cualkier persona cu ta sufrir di asma of alergianan, mi ta sugeri aaliment nan cu ta mas rico den contenido di calcio manera lechi di aros, of berdura nan di color berde scur pa hueso nan den crecemento y pa mantenimiento di nan salud. despues mi ta recomenda Lactobacillus Acidophilus, e probiotico comun mente mas uza, of bon bacteria. E bon bacteria nan aki ta biba den e intestino y ta proteha nos contra e entrada y/o proliferacion di organismo nan malo cu por causa malesa. L. Acidophilus tambe ta produci Lactase, un enzim cu ta kibra e sucu di lechi (lactosa) den sucu nan mas simpel. Hende nan cu ta lactose intolerant no ta produci e enzim aki. P e motibo aki, suplementacion cu L. Acidophilus ta beneficoso p e individuo nan aki.

Na nos clinica, nos ta mira e salud di e mama of e personanan encarga di e cuido di e mucha, cu por afecta e salud di e mucha. Candida Albicans, un schimmel comun cu ta sali for di control por ehemplo por ser transmiti entre miembro nan di famia y ta causa un sin fin cantidad di problema. Mientras cu ta posibel, mi ta prefera di examina e mucha hunto cu su mama of e persona encarga cu e cuido di e mucha pa haci un evaluacion completo.

Get The Point! Si bo yiu tin un tosamento cu a dura mas di 2 siman y no ta responde na remedi nan di tosamento, e posibilidad

cu tin asma ta HOPI halto. Otro sintoma nan comun ta inclui verkoud cu den caso di bo yiu ta muestra di ta mas severo cu e mesun verkoud compara cu mucha nan di su mesun edad. Otro Pista ta si bo yiu tin rosea cortico ora ta haci friu pafo of ora nan ta haciendo ehercicio/hunga pisa. Si tur e sintoma nan aki ta presente virtualmente bo por ta sigur cu bo jiu tin asma. bo kier cria yiu nan mas saludabel? Yama nos pa haci un cita cu un Nutricionista clinico Certifica.

CARLOS VIANA ta un Doctor (Ph D) den Antropologia Medico, e ta un Doctor den Medicina Tradicional Oriental studia na Shanghai, China; nutricionista clinico certifica. Tambe miembro di directiva di e Asociacion di Professionalnan den tratamiento di adiccion ytoxicologia, Presidente di e comite pa America Latino di e Academia Internacional di Medicina Oral y Toxicologia. Dr. Viana tin un programa di radio tur siman, ta scirbi y duna lecturanan extensamente. Pa mas informacion di e servicionan na VIANA NATURAL HEALING CENTER NV, Kibaima 7, Tel 585 1270 Fax 585 4789, Web sight: [www.vianaheal.com](http://www.vianaheal.com)

"Prescriptions from Paradise" - 2012 International Book Award Winner - ta optenible na Aruba na Viana Healing Center, Tur libreria, Gift shops y centro nan di salud di calidad. tambe ta disponibel den forma do print y pa Kindle download pa nos amigo nan pa fo di Aruba na [www.amazon.com](http://www.amazon.com) Pa anuncio nan acerca di mas evento nan y firmamento di buki check, check corant nan local, radio y television tambe como riba [www.vianaheal.com](http://www.vianaheal.com) y join e discusion riba nos Facebook pagina: [www.facebook.com/prescriptionsfromparadise](http://www.facebook.com/prescriptionsfromparadise)



**AGI** **DD** **ZRT**

\*Food & Chemical Sensitivity Testing  
\*Specialized Hormone Testing  
\*Toxic Heavy Metal Testing  
\*Amino Acid Check

**www.vianaheal.com**  
[vianaheal@gmail.com](mailto:vianaheal@gmail.com)

**Kibaima 7**  
(schuin tegenover di Drive-in)  
[www.facebook.com/vianahealingcenter](http://www.facebook.com/vianahealingcenter)



**Viana**  
HEALING CENTER

**BUSCANDO ALIVIO ? 585-1270**

DOLOR – DRUMI – STRES - ALERGIA – Problema cu STOMA, PMS, MENOPAUSIA, KEINTURA OF GRIEP Chronico – FERTILIDAD, EMBARAZO Natural, Post-Partum – ADICTION (Alcohol, Tur clase di Droga, Gamble, Sexo, BAHU PESO) - Problem di ENVEHECE of OTRO MALESA - Pa tur edad!

Gift certificates, Healthy products

**Special pa Local**  
**2 - 4 - 1**  
**Acupuncture**  
Tur Dialuna & Diaranson!

**Take home PARADISE**



**In Book & Gift shops, Botica's**  
[facebook.com/prescriptionsfromparadise](http://facebook.com/prescriptionsfromparadise)

**E-Book on amazon kindle**





Tel: 593-0857 / 588-6699 / 560-1403  
Fax: 588-6698

“Dios ta amor ..... y amor ta Dios,  
maske mi no ta na e mundo aki, tur dia lo mi ta banda  
di boso Curazon, mi por steuns di loke Señor ta hasi”  
Salmo 33

Cu honda pena nos ta anuncia fayecimento inespera di



**Huberto Geerman**  
mihor conoci como “Bew”  
\*20-03-1948 †20-10-2013

Na number di su:

Esposa: Francisca (Ita) Geerman-Kelly

Mescos cu yiunan:

Roberto  
Magriet y famia  
Agnes, Bert y yiunan  
Deta y famia  
Joselito y famia  
Marusha y famia

Mescos cu nieto y nietanan, bisanieto y bisanietanan

Rumannan:

Ema, Nadi y yiunan  
Tina y yiunan  
Mariano (Maiky)  
Lena y yiunan

Swa y cuñanan, sobrina y sobrinonan na Aruba y Hulanda,  
comer y compernan, ihanan, amigo y concocirnan y bisi-  
ñanan.

Demas famia: Geerman, Kelly, Rodriguez, Boekhoudt,  
Rasmijn, Croes, Paesch, Maduro, Dirks, Muyale, Verste-  
gen, Gonzalez y tur demas famia cu den nos tristesa nos  
por a lubida un of otro famia.

Acto di entierro ta tuma lugar diahuebs 24 di october 2013  
na Aurora Funeral Home di 9’or pa 11’or di mainta, despu-  
es lo sali pa Santana central na Sabana Basora.

Adres pa condolencia: Aurora Funeral Home, diaranson  
23 di october 2013 di 7’or pa 9’or di anochi.



Tel: 593-0857 / 588-6699 / 560-1403  
Fax: 588-6698

**Gradicimento / invitacion**

Un danki di curazon ta bai na tur famia, amigo, bisiña y  
conosirnan cu di un manera of otro a yuda y sostene nos  
den e momento dificil di fayecimento di nos mama stima



**Leoncita ‘Cita’ Maduro-  
Geerman**

Un danki ta bai na Dokter R. Kock Internist, Nefroloog y  
Afdeling 4 niet snijdend HOH, pa nan atenshon y comp-  
renshon duna na henter famia.

Danki na tur esnan cu a manda flor y a manda mensahe  
nan via di facebook, whatsapp y pin. Na mes momento  
nos kier a hasi un invitacion pa 3 santa sacrificio di misa  
pa descanso di nos mama stima. Esaki nan lo tuma lugar  
na misa Inmaculada Concepcion na Santa Cruz riba dia:  
23 oktober 2013 pa 7:00pm  
26 oktober 2013 pa 7:00 pm, recordando su fecha natal  
28 oktober 2013 pa 6:30 pm, despues sigi pa un Rosario na  
cas Santa Cruz 40A pa 7:30 pm



*Biba cada momento*

“The Lord is my shepherd; I shall not be in want.  
He makes me lie down in green pastures.  
He leads me beside quiet waters. He restores my soul. He  
guides me in paths of righteousness for his name’s sake.”  
Ps. 23:1-3  
We hereby announce the passing of our beloved mother,  
grandmother, sister and aunt



**Mrs. Rosita Veronica Arrindell-  
Maynard**

Better known as :”Rosa”  
Sunrise: May 23rd, 1933 Grenada  
Sunset: October 22nd, 2013 Aruba

The funeral will take place on Tuesday October 29 at 4:00  
in the afternoon leaving the Sta. Theresita Church to the  
Catholic Cemetery in San Nicolas. The late Rosita Arrin-  
dell-Maynard will be laid out from 2:00 in the afternoon in  
the Sta. Theresita Church in San Nicolas.

Address for condolences: The Olive Tree Funeral Home  
Monday October 28th, 2013 from 7-9 pm

After the funeral please no condolences at home

Bernhardstraat 134-136 - San Nicolas - Tel 584 8888  
Avenida E.J. “Watty” Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com



Dankbetuiging:  
Langs deze weg willen  
wij, de familie van  
Mevr. Albertina H. V.  
Cairo,  
U allen, iedereen, hartelijk  
bedanken voor de ontvan-  
gen medeleven,  
attentie, kransen, bloem-  
stukken en wenskaarten  
tijdens  
de uitvaart van onze lieve  
Oma Be.  
In het bijzonder willen wij  
bedanken:  
• Het personeel van  
Huize Maris Stella  
• Garage Centraal  
Aruba, directie en perso-  
neel  
• Audrey voor haar  
zang en gebeden, samen  
met het koor  
• Carla Johnson-  
Cairo voor haar compassie  
en medewerking  
U allen, Hartelijk be-  
dankt!

Bernhardstraat 134-136 - San Nicolas - Tel 584 8888  
Avenida E.J. “Watty” Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com



Na memoria di nos inolvid-  
able casa y mama  
Recordando su di cuater aña  
di fayecimento

**Invitacion**



**Carmita Winter-  
daal Tromp**  
“Inda”

Esposo, yiunan y nan respec-  
tive famia ta invita famia y  
conocirnan pa un Santo Sacri-  
ficio di Misa pa recorda 4 aña  
di fayecimento di mi casa,  
nos mama stima Diahuebs 24  
di Oktober pa 7’or di anochi  
na Misa Inmaculada Concep-  
cion na Santa Cruz  
Di antemano danki pa bo(so)  
presencia.  
Esposo, yiunan y nan respec-  
tive famia.

Bernhardstraat 134-136 - San Nicolas - Tel 584 8888  
Avenida E.J. “Watty” Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com

**Oración De San Francisco De Asís**

Señor hazme un instrumento de tu paz,  
Donde haya odio siembre yo tu amor;  
Donde haya injuria perdón;  
Donde haya duda fe;  
Donde haya desesperación esperanza;  
Donde haya oscuridad dejame traer luz  
y Donde haya tristeza alegría.

Oh divino Maestro, concédeme que no busque  
Ser consolado sino consolar;  
Ser comprendido sino comprender;  
Ser amado sino amar.

Es dando que recibimos;  
Es perdonando que somos perdonados;  
y Es muriendo que nacemos a la vida eterna.

Amén







“ Señor ta mi wardador, mi n’ tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe haña forsa. ”  
Salmo 23:1,2,3

Cu inmenso tristeza na nos curazon, pero agradecido pa locual ela haci y nifica pa nos, nos ta participa fayecimento di:



**Sr. German Perez**

Na nomber di su

Esposa: Juana A Perez-Marte

Yiunan: Juan Nelson Perez, Maria y yuinan  
Aida (Iris) Perez y yuinan  
Daniel (Nini) Perez, Esposa y yuinan  
Annabel Rodulfo Perez, Gregorio Rodulfo  
Jenny Perez-Strickland, Marion Strickland y  
yuinan

Yiunan Difunto: Enrique Perez y Famianan  
Altagracia Perez y Famianan

Yiunan di Criansa: Benito (Mon) Wernet, Luisa y yuinan  
Florinda (Jiuchi) Wernet  
Rafael (Rafelito) Wernet  
Rodolfo Martinez, Marisol y yuinan

Tur su Nietonan y bisanietonan y ihanan na Aruba, Merca,  
Sto. Domingo y Hulanda

Rumannan: Camen Perez y famia  
Mathilde Perez De Jesus y famia  
Simeon Perez y famia  
Pedro Perez y famia  
Dolores Perez y famia  
Lidia Perez y famia  
Herminia Perez y famia  
Reina Chirino y famia  
Maria Rasmijn y famia  
Manuel Perez y famia  
Sirano Perez y famia

Comper y Comer, Primo y primanan, Swa y Cuñanan,  
Amiga y Amigonan, Conocinan y tur nan famianan  
Famia: Perez, Martez, Rodulfo, Strickland, Chirino, Ras-  
mijn, Perez De Jesus, Wernet, Nuñez, Robert, Fria, Snyder,  
Cantando, Meran, Vieira, Andrade, Bermudez, Carmona,  
Elionora, Peña de Rivera, Cleto, Krosendijk, Halley, Con-  
ception, De la Rosa Roja, Jansen, Kerkeboom, Osuna, Joa-  
quin, Bernadina, De Vasconcelos, Saladin, Marmolejos,  
Zievinger, Brosly, Angel, Quant, Orman y Werleman, Ya-  
ñez, Luna, Andrews, Gomez, Garcia y Suero

Grupo di Oracion: Dios ta Amor  
Ta invita tur amigo, bisña y conocirnan pa asisti na e  
ceremonia di despedida cual ta tuma lugar Diabierna 25  
di October pa 11’or di mainta na The Olive Tree Funeral  
Home despues saliendo pa Santana Central na Sabana Bas-  
sora. E restonan mortal di German lo ta reposa for di 9’or  
di mainta na The Olive Tree Funeral Home na Cumana

Nos ta lamenta cu despues di entierro nos no por risibi  
bishita di condolencia na cas.

Bernhardstraat 134-136 - San Nicolas - Tel 584 8888  
Avenida E.J. "Watty" Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com



## Tempo Aruba N.V. celebrando 20 año




**ORANJESTAD-** Dia 19 Oc-  
tober 2013 Tempo Aruba N.V.  
a celebra su di 20 aniversario  
hunto cu tur su cliente, tra-  
hador, proveedor colega y ex-  
coleganan y tur otro cu di un  
of otro forma tabata involvi  
den e exito di Tempo. Pa me-  
dio di esaki nos kier gradici  
un y tur pa e confianza brinda  
na Tempo. Esaki ta duna nos  
e drive y energia pa sigui cu  
nos pasion.  
En conexon cu e celebracion  
aki Tempo a haci un donacion  
na 2 fundacion cu ta Mary  
Joan Foundation y Koningin  
Wilhelmina Kanker Fonds.  
Mirando cu October ta e luna  
di conscientisacion di cancer  
na pecho.  
Tur 2 fundacion a keda ma-

sha contento. Nos di Tempo  
ta desea nan hopi exito y pa  
nan sigui cu e bon trabou cu  
nan ta eherciando caba den  
nos comunidad caba.  
Haya sa un poco di Tempo:  
Na 1993 Tempo pa prome  
biaha a habri su portanan na  
Aruba. Asina tambe e prome  
agencia di trabao a keda esta-  
bleci oficialmente na Aruba.  
Durante añanan Tempo a  
crece y ta un partner exitoso  
den e Mercado laboral cu cli-  
entenan tanto na Aruba, Bo-  
neiro, Corsou, St. Maarten,  
Saba y St. Eustatius.  
Tempo ta duna servicio di  
recurso humano y ta para pa  
profesionalismo, calidad y  
bon servicio. Nos ta pensa  
hunto cu nos cliente pa trece


solucion na su necesidad.  
Ambicion, desaroyo y in-  
novacion den nos servicio ta  
duna nos cliente e oportuni-  
dad pa adapta na cambianan  
ariba e tereno laboral.  
Servicionan cu Tempo ta of-  
rece ta recluta personal pa  
periodo temporal of pa drenta  
servicio di hiaha, payroll, con-  
tracting y remigracion.  
Na 2014 Tempo lo introduce  
solucionnan nobo den su ser-  
vicio di HR.  
Danki na nos network amplio  
Tempo por ofrece vacaturan-  
an na personanan cu ta busca  
trabao. E matching di e per-  
sona adecua na e trabao ad-  
ecua ta solamente parti di e  
trayecto cu ambos partido ta  
inicia. □




Mutts



6 Chix



Blondie




Mother Goose & Grimm



Baby Blues



Zits



Conceptis Sudoku

|   |   |   |   |  |   |   |   |   |
|---|---|---|---|--|---|---|---|---|
| 3 |   |   |   |  |   | 1 |   | 2 |
|   |   | 5 | 9 |  |   |   | 3 |   |
|   | 7 |   | 6 |  |   |   |   | 9 |
|   | 3 | 7 |   |  | 8 |   |   |   |
|   |   |   |   |  |   |   |   |   |
|   |   |   | 1 |  |   | 6 | 4 |   |
| 9 |   |   |   |  | 4 |   | 5 |   |
|   | 8 |   |   |  | 6 | 2 |   |   |
| 6 |   | 1 |   |  |   |   |   | 7 |

Difficulty Level ★★★ 10/24

Sudoku is a number-placing puzzle based on a 9x9 grid with several given numbers. The object is to place the numbers 1 to 9 in the empty squares so that each row, each column and each 3x3 box contains the same number only once. The difficulty level of the Conceptis Sudoku increases from Monday to Sunday.

Yesterday's puzzle answer


|   |   |   |   |   |   |   |   |   |
|---|---|---|---|---|---|---|---|---|
| 4 | 7 | 5 | 9 | 1 | 8 | 6 | 2 | 3 |
| 1 | 2 | 9 | 3 | 6 | 5 | 7 | 4 | 8 |
| 8 | 3 | 6 | 7 | 4 | 2 | 1 | 9 | 5 |
| 6 | 4 | 7 | 2 | 8 | 9 | 5 | 3 | 1 |
| 3 | 9 | 8 | 6 | 5 | 1 | 2 | 7 | 4 |
| 5 | 1 | 2 | 4 | 7 | 3 | 8 | 6 | 9 |
| 9 | 8 | 3 | 5 | 2 | 7 | 4 | 1 | 6 |
| 7 | 5 | 4 | 1 | 3 | 6 | 9 | 8 | 2 |
| 2 | 6 | 1 | 8 | 9 | 4 | 3 | 5 | 7 |

ACROSS

- 1 \_\_ on; discuss
- ad nauseam
- 5 Use Brillo
- 10 Irritates
- 14 Pitcher
- 15 Like thin pizza crust
- 16 Toledo's state
- 17 Military force
- 18 People to be imitated
- 20 Bread for a Reuben
- 21 Mattel's beau for Barbie
- 22 Spinnet or grand
- 23 Currency
- 25 TV room, often
- 26 Monkey with a doglike muzzle
- 28 Tendons
- 31 Skillful
- 32 Group taught by a teacher
- 34 Actor Holbrook
- 36 Saloons
- 37 Tree branch
- 38 Fuzzy fruit
- 39 Grow old
- 40 Come together
- 41 Shot a pistol
- 42 Canada's Prince \_\_ Island
- 44 W.C. or Totie
- 45 Boar
- 46 Meat sauce
- 47 Up and about
- 50 Horse's gait
- 51 Cot, for one
- 54 New member's induction rite
- 57 Urgent
- 58 Water barrier
- 59 Wanderer
- 60 Egg on
- 61 Twirl
- 62 Adolescents
- 63 Aroma

DOWN

- 1 Listen
- 2 Twisted; askew
- 3 Recalled
- 4 Use a crowbar
- 5 Window cover
- 6 Close friend



Created by Jacqueline E. Mathews 10/24/13

Wednesday's Puzzle Solved

|           |           |       |
|-----------|-----------|-------|
| SEN       | SCRAM     | KISS  |
| EXIT      | THOSE     | IOWA  |
| WANE      | RISKS     | STAG  |
| MERCILESS | MAME      |       |
| MADE      | HIE       |       |
| SPRINT    | PHANTOMS  |       |
| QUITS     | CAULK     | MAN   |
| URGE      | HOTEL     | JANE  |
| AGO       | RENTS     | TAHOE |
| TERIYAKI  | LAMARR    |       |
| RED       | SARA      |       |
| ALSO      | ASSISTING |       |
| COIN      | CHANT     | CALF  |
| TOTE      | HINGE     | AREA  |
| SPEED     | ENDED     | YEN   |

(c) 2013 Tribune Content Agency, LLC All Rights Reserved. 10/24/13

- 38 Ukraine's capital
- 40 Native New Zealander
- 41 Italian auto
- 43 Soak in bleach
- 44 Fern leaves
- 46 Moan in pain
- 47 Lends a hand
- 48 Make a tiny cut
- 49 Polynesian carved image
- 50 Magazine title
- 52 Therefore
- 53 Forest animal
- 55 Colony insect
- 56 Foot digit
- 57 Singing couple



## DOCTER NA WARD

**Oranjestad**  
Dr. Samuels

## EMERGENCIA

**911**



|               |          |
|---------------|----------|
| POLIS         | 100      |
| POLIS         | 581-1100 |
| ORANJESTAD    | 582-4000 |
| NOORD         | 587-0009 |
| STA. CRUZ     | 585-4710 |
| SAVANETA      | 584-7000 |
| SAN NICOLAS   | 584-5000 |
| BRANDWEER     | 115      |
| BRANDWEER     | 582-1108 |
| POLIS TIPLINE | 11141    |
| HOSPITAL      | 527-4000 |
| AMBULANCE     | 582-1234 |
| SAN NICOLAS   |          |
| AMBULANCE     | 584-5050 |

## BOTICA

O'STAD: Dakota Tel: 588-7364  
S. NICOLAS: San Nicolas Tel: 584-5712

## SERVICES

|               |          |
|---------------|----------|
| INFORMATION   | 118      |
| SETAR         | 582-2116 |
| TAXI          | 582-5900 |
| TAXI-TAS      | 587-5900 |
| PROF. TAXI    | 588-0035 |
| TAXI D.T.S.   | 587-2300 |
| SERVICE ARUBA | 583-3232 |

## CRUISESHIP

Oct. 24

Carnival Freedom

## MORTUARIO

|                |          |
|----------------|----------|
| AD Patres      | 584-2299 |
| Aurora         | 588-6699 |
| Mementomori    | 583-3358 |
| The Olive Tree | 584-8888 |

## FOUNDATION FELLOWSHIP CLINIC

Tel: 584-6440  
Alcoholism & Drug Addiction,  
Anonymity guaranteed

## FUNDACION

Anti-Droga  
Aruba  
(FADA) Tel: 583-2999

## FUNDACION

Respetami  
Tel: 582-4433

## Diabetic Foundation

Arubano  
Tel: 583-3808

Narcotics Anonymous  
Tel: 583-8989

## Foundation Amor pa Prohimo

Tel: 583-3345 /586-6976

## Women in Difficulties Foundation

Tel: 583-5400



Bo cadena di numbertan di suerte ta duna e number di awe

Sorteo di 23 october 2013



03 15 19  
20 32 35 L



2 7 7 8

Signo: Leo



9 5 0 4



5 6 0 4

3 9 4 8

3 6 9 1



03 08 13 19  
28



02 05 09 27  
06



8 7 0 4

2 9 5 2

9 6 6 8

## DIARIO

1 0 6 7

8 7 6 9

7 0 8 8

## SUPER 4

9 5 0 4

Sorteo 19 October 2013



2 3 15 39  
44 49 X4

Jackpot \$ 20 MILLION

Sorteo 18 October 2013




5 20 45 48  
56 1 X4

Jackpot \$ 55 MILLION

## Meteo Aruba:

# Pronostico di tempo pa Aruba valido pa diaranson 24 di october 2013



ORANJESTAD – Fluho diferente den nivelnan mas halto combina cu aire medio humedo den nivel abou por causa un awasero local.

TEMPO: Parcialmente nubia cu un chens chikito pa awasero local.

BIENTO: Modera di direccion oost cu averahe di 19 nudo y biento maximo di 29 nudo. CONDICION DI LAMA: Olanan di lama ta for di direccion oost cu haltura di 5 te 7 pia.

TEMPO TROPICAL: Tormenta tropical Lorenzo ta 15400 km oost di Bermuda moviendo oost cu velocidad di 5 nudo. E sistema aki no ta forma ningun peliger pa Aruba.

PROSPECTO DI TEMPO PA RESTO DI SIMAN:

Tempo lo ta humedo y shelo lo keda parcialmente nubia. Un stof di Sahara cu ta den nos area riba y por reduci visibilidad un tiki. Biento ta keda modera y temperatura lo flota rond di normal. ☐



## Aries

Lo bo tin den bo mannan diferente caminda sentimental. Lo sosode cierto circunstancianan imprevisto, pero lo principal ta cu memey di tur cos, bo lo ta den control. Number: 3, 12, 22 y 31.



## Tauro

Camindanan nobo lo habri p'abo den amor. Bo ta dilanti di un etapa hopi importante den bo bida y cu e influencia di Luna, bo tono romantico lo ta pa conkista y Sali dilanti den bo bida amoroso. Number: 8, 17, 28 y 46.



## Geminis

Scucha loke bo scucha, reserva bo opinion. Rond di bo lo bay tin hende cu lo haci redo y papia loke ta y loke no ta. Ta cumbini bo aleha di redashi y no duna opinion cu por causa dolor. Number: 18, 20, 32 y 36.



## Cancer

Lo bo tuma e paso ey, cu tanto bo tabata tin mester y lo bo bay padilanti. Ta hopi importante pa bo actua semper siguiendo bo patronchinan di bo personalidad ora di regla cos. Number: 5, 17, 22 y 26.



## Leo

Bo nivel di energia ta hopi halto awe. Tin un trabao of negoshi cu a cuminsa duna buelta den bo cabes recientemente y cu bo no tabata sa con pa enfrenta esaki exactamente. Number: 9, 17, 25 y 36.



## Virgo

Amor of atraccion na prome bista? No ta mesun cos. E sentimentonan di amor ta wordo cultiva, a medida cu bo ta conoce e hende ey miho. Pero si, tene cuidao. Number: 27, 38, 43 y 51.



## Libra

Luna den bo elemento lo haci bo sinti bo mes hopi dinamico. Debi na e transito di luna di awe, hendenan rond di bo ta excitabel y imprevisto. Si bo tin un plan, push e dilanti. Number: 7, 19, 37 y 41.



## Scorpio

Un situacion cu tabata preocupando bo lo caba. Durante e siman aki lo bo nota inicio di areglo den cierto asuntonan cu tabata tin bo preocupa. E area sentimental ta subraya. Number: 7, 14, 19 y 26.



## Sagittario

Cuidao cu e hendenan ey cu semper ta alarmando bo. Ta existi un gran diferencia entre tene cuidao y no core riesgonan innecesario, mescos cu no pone bo mes na peliger y biba cu miedo. Number: 6, 15, 34 y 50.



## Capricornio

Si bo kier haci tur cos den un solo dia lo bo defrauda bo mes. No perde speranza si algo no sali manera bo a planea y tuma mas bien esey como un forma di yuda bo mes ta flexibel tumamento di decision. Number: 8, 18, 21 y 30.



## Aquario

Luna ta den bo signo di aire. Frescura y amor! Tin energianan fuerte den bo horoscop procedente di Urano, pero felizmente tur esaki ta wordo compensa cu e accion di Luna. Number: 12, 22, 33 y 47.



## Pisces

Tin cuestionnan irrelevantes. Eseyan no ta preocupa bo mas. Corda, Piscis, cu den tur momento loke ta conta ta bo presente y bo actitud dilanti bida. Circunstancianan t'ey. Number: 11, 14, 25 y 34.



*Despues cu su curason a dal para pa 10 minuut*

## Sr. Ricky Croes a regresa Aruba un homber nobo y agradecido



**ORANJESTAD** -- 15 di Augustus ultimo pa mas o menos 10.30 Sr. Ricky Croes tabata 'jog' cu su subrino Rafferty Croes.

Durante esaki pa ironia di bida Ricky a cay abou y su curason ta dal para pa 10 minuut. Manda pa Dios y na e momentonan ey pasando eybanda ta miembro di nos Cuerpo Policial Sra. Sue-Ann Lin, kende inmediatamente ta dreña den accion di rescate, ta pomp su curason y dun'e prome auxilio y a logra trece bek na bida y a percura pa transporta Sr. Croes cu urgencia pa hospital.


Diasabra 17 di Augustus Ricky a wordo transporta cu Air Ambulance cu urgencia pa Medellin, Colombia, hunto cu su ruman homber Rafael Croes kende a compaña pa busca su salud.

Despues di 2 luna y 2 dia Ricky a regresa Aruba un homber nobo y agradecido primeramente na Dios



Tata cu a dun'e su bida bek, pero tambe di e forma aki kier extende su inmenso gratitud na e polis, e angel manda pa Dios hustamente e momento ey, cu a scapa su bida Sra. Sue Ann Lin. □

# CLASIFICADO ECONOMICO



**PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM**

**PASA LAGA BO AVISO NA OFICINA DI BON DIA ARUBA WESTSTRAAT #22**

### TA BENDE

Pieza di Chevrolet Avalanche 2002, automatic, kibra dilanti y na banda.  
Pa mas informacion  
**Tel: 594-9990**

### TA BENDE

Piano (Roland XP-80) Afl. 1150,- Printer scanner fax and copy machine Epson Afl. 275,= Pa mas informacion yama  
**Tel: 588-3133/594-5025**

### SERVICIO PUBLICO

Ta service airco split-Unit y Window Unit. Pa mas informacion yama  
**Tel: 565-5471**

### SERVICIO PUBLICO

Manicure - Pedicure, Makeup permanent, extensions, facials, acrilic gel, colors. Pa mas informacion please yama  
**Tel: 744-8320**

### ATENCION

A wordo horta un pareha di guacamaya (macao), gel cu blow y ara militaris berde cu blow. den e barrio di Rooi Afo. Si tin algun informacion yama **Tel: 594-0258**

### SERVICIO PUBLICO

Pushi muher y homber bunita y lief. door cu nan a bira demasiado nos ta busca doño cu ta stima pushi y responsabel. pa mas informacion  
**Tel: 568-2339**

### TA BENDE

Matanan di frutas, machine di carpinte na super bon prijs. Pa mas informacion  
**Tel: 594-9069**

### TA BENDE

Un Galaxy y Duos pa Afl. 300,= hopi bon manteni y condicion. Pa mas informacion please yama  
**Tel: 584-3488**

### TA HUUR

Un Apartment di un camber, full muebla y espacioso. Prijs Afl. 975,=p/m inclui awa, coriente y cable tv. Coriente di airco apart. **Tel: 593-7755/593-8488**

### TA HUUR

Studio apartment muebla na Savaneta 1pers Afl. 1050,= 2 pers Afl. 1250 plus 1 luna borg. inclu awa/ airco/ wifi/cable  
**Tel: 732-1104**

### TA BENDE

Ford F-350 dually full equipped 2000. 4 drs. wheel size 22", color shinishi silver Hopi bunita, hopi extra's Prijs Afl. 45.000,-  
**Tel: 593-0403**

### TA BENDE

Un machine corta mata electronico, un cel Torch 2 y un machine di squat + calf training. Pa mas  
**Tel: 564-4075**

### TA BENDE

Palet di klinker casi completo Charcol di 3 pida prijs pa palet Afl. 450,= prijs awor ta pida Afl. 300,= pa mas informacion yama  
**Tel: 561-6542**

### TA BENDE

Quadriseer KJMO MXV 300, un doño, bon condicion. Pa mas informacion please yama na  
**Cel: 594-9069**

### TA BENDE

Un Ford Edge 2008 sunroof ± 66mil km Afl. 40.000,- discutibel. Pa mas info.  
**Tel: 566-0453**

### TA BENDE

Kia Picante '07 STD, full equipped, power steering-brakes & windows. mc.reems, radio am/fm cd player, top condition 90.000km Afl. 11.500,= pa mas informacion  
**Tel: 520-6862 /563-8822**

### TA BENDE

Bolivar bon prijs. Pa mas informacion  
**Tel: 594-9069**

### TA BENDE

Un Harley Davidson costum. Hopi bunita, nobo gespuit, hopi chrome messs Prijs Afl. 25.000,= Pa mas informacion  
**Tel: 733-9993**

**BON DIA** *Aruba*

Bo ta stima bo yiu.

**BISA NO**

**NA ABUSO DI MUCHA...**

HASI USO DI CARSEAT





## ***Miranda Kerr protagonista di e “Lookbook” di Mango***

*Di nobo na New York y di nobo pa Mango. E angel di e firma spañola ta ripiti como imagen di e campaña invierno 2013/2014 cu un shooting crea pa e fotografo Inez Lamsweerde & Vinoodh Matadin y ambienta na e ciudad cu nunca ta drumi. Miranda Kerr a bolbe converti su mes den embahador perfecto di un coleccion menos “grunge” y mas “glam rock”. Mini shimis cu aplicacion di metal y desteyo “glitter”, trahe di aire masculino y prenda di punto di corte oversize ta conforma e “lookbook” nobo di Mango. □*

